



सानसेयारि **बड'सा'** खरीरालाइयाव
समाज्यादि जिउजो लोखा थावाय रायथाय, सन्थाय,
सल', सल'बाथा आरो हावबायादि थावनि, पार्क
बाइदिनि सायाव लिन्नाय लिन्बिबा बैथाय ठर।
सानसेयारि **बड'सा'** खरीरालाइया खेबखानाने
फोसावगोन।
बड'सायाव लिन्नायनि हुवा सल्लाम,
बड'सा' खरी नोथा, जो बयबो आंगो सल्लाम।
सानसेयारि बड'सा मावखुलि
माइब नोगोर, जोहोलाव दैमालु लामा
कक्राजार, बिलिसि-783370
Website: www.bodosanewspaper.com

BODOSA ★ A Bodo News Daily ★ Thursday ★ 21 November, 2024 Kokrajhar, BTC, Assam ★ Vol.-34, Issue No.234 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-



आसाम आयेन आफाद



सत्यमेव जयते
असम चबकाब

असम विधान सभा



Assam Legislative Assembly

जाफुंसार दावबायनायाव आरोबाव आगानसे



बेखेवनाय हाबाफारि

- बिथोन आरो सामलायग्रा मिरु
- ए.एल.ए. गोदान न'मानि केफेटेरिया
- डिजिटेल करिड'र
- स्मार्ट प'ल
- आसामनि गोजाम जारिमिनारि अन्थाइ खाम्फा

आसामनि मानगोनां गिबि मन्थ्रि
ड° हिमन्त बिश्व शर्मा या
आसाम आयेन आफादनि बुंथिगिरि
मुस्रि बिश्वजीत दैमारी नि
नुजाथिनायाव बेखेवनानै होगोन।

खालार: 21 नबेम्बर, 2024: सम: बेलासि 1:00 रिंगानिफ्राय
थावनि: आसाम आयेन आफाद, दिसपुर, गुवाहाटी-06, गोदान न'मानि सोरदिंथाइ

सुजुगिरिनि खोलोम

मुलियारि बेन्दो-बेनला

गोदोनि समाव सुबुं माहारिनि थाखाय मुलि-फाहामगिरि गैयैलाय हाग्रायाव गोलैयै मोनफुंनो हानाय बाइदिसिना बिफां-लाइफांनि रोदा-बिगुर, बेन्दो-बेनलाफोरखौनो बुधुमनानै सानाय-सुनाय, बौनाय, लोमजानाय बाइदिकोराव मुलि महरै बाहायनाय जायोमोन। आथिखालनि मुलिफोरबो बे बिफां-लाइफांनि बिलाड-बिगुर, रोदा आरो बेन्दो-बेनलाफोरजो दिहुन जानाय।

बर'फोर मुलि महरै बाहायग्रा बिफां-लाइफांफोरनि सोमोन्दै बुनानै फोजोबनो हाया। जोनि न' सोरगिदि मोनफुंनो हानाय बेफोर मुलियारि गुन थानाय बिफां-लाइफांफोरखौ इयुननि थाखाय हाबायाव बाहायनो हाथाव खालामनो हायाखै। अक्लाबो गोथां थाजिम महरावनो बेफोर बिफां-लाइफां, बेन्दो-बेनला, रोदाफोरखौ मैंग महरै एबा ओंखि महरै बाहाय बोनानै मुलिनि गुनखौ मोनफुंनोदो बर'फोर।

बोधोर लायै बोधोर मोनफुंनो हानाय ओंखि एबा मैंग महरै बाहाय जानाय-उसुमै, नोसिं, अन्थाय बाजाब, खानसिसा, मानिमुनिफोरखौ बर'फोर सिनायै, मोनजायै गैफेरा जानांगो। बेफोरनि अनगायैबो माइफ्राम, मैसुंखा, माजिथि, दाव मेवाइ, दाव फेन्दा, सिम्फ्र, दौस्मे, मैथा सिख्ता, जोग्लावरि, आजोनाइ आरो सिबुफोर बर'नि आंगो मैंगफोरनि गेजेराव गोरलैफायो। खारोखा, बारसिखा, खार'खान्दाइ, बिसलोखोन मुलियारि लाइफांफोरबो बर'फोरनि आंगो मैंग। बेफोर बेन्दो-बेनला लाइफां हारिनि मैंगफोरखौ बर'फोर मुलियारि महरै मैंग बाहायनानै फाहामगिरि, मुलि गैयै समफोरव बाहायनानै बेराम-आजार फाहामथाय होनायाव बाहायबोदो। फिथाइ-सामथाइआवबो मुलिनि गुन थायो होन्नानै जौ मिबथिगो। हाग्रायाव मोन्नाय आथिखाल न'नि बारियावबो मोनफुंनो हानाय आमलाइ, बावर, सेलेखा, खामब्रंगा, थाइगिरि फिथाइफोर मानसि आरो जिब-जुनातनिल' आदार नड, मुलिआरि बानायनायावबो बेफोर फिथाइखौ बाहायनाय जायो। बर'नि थान विदाव बाथोयाव गायनाय सिजौ, जाध्रासि आरो थुलुसिनि मुलियारि गुनखौ बुनानै फोजोबनो हाया।

बर'खुगा मेथाय-आदि दिगा, माय बलंगा, मुगासं आरो बोसोर गोदान आरो बर'नि आंगोसिन फोबो बैसागु बरायनायाव बाहायनाय देगे बेन्दो, मोखोना आरो खाथि बिबारा मानि थाखाय जायगा मोनबोदो बेफोरखौ बर'नि रिसासं स्क्लारफोर टेसिसफोरव जायगा होयोक्ला बेनि गेजेरजोबो बर'नि आसार-खाथियावदि-गोनोखोयारि सुलुं हावसोनानै दड; बेफोरो रोखायै बेरखानो खबु मोनगोन।

मिबथिनो मोनो-बर'फोरहाबो सिगां समाव गावहानो आलादायै मुलि बिगियान दंजायोमोन नो। मानोना मोन्थोर आवरायनाय समाव माखासे बिफां-लाइफांनि खान्थै-रोदा, दालाइ, बिबार-फिथाइ बाहायनायखौ नुनो मोन्नाय जायो। बेफोरखौ नायनानै बर'नि बे बिगियानारि खाथिखौ फोथानानै लाखिनो आरो बोखांफिन्नाय हाबायाव बेजो सोमोन्दो थानाय सुबुंफोर मदत होलायनारिनि गोनांथि लानांगो, जाहाथे बर'नि बेफोर गोनां बिदाखौ मुलुग दरबाराव फोसावनो, बोखानो आरो फोथानानै लाखिनायाव मदत मोनो हायो।

दिनैनि फान्जामुथि

राशि बाइदियै मुनि गिबि हांखो
 मेघ : अ ल वृष : ऊ ब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ठ (ण ष)
 तुला : त र बृश्चिक : ब न धनु : ध ध (ढ फ)
 मकर : ख ज कुम्भ : ग श (स) मीन : द च (ख ज झ)

- मेघ:** जेखि जाया जेना-जेसियाव गोरलैबायनो हागो। गोजोन्नाय गैयैजो सम बारहोनांगोन।
- वृष:** जेखियानो जाया फालांगिआव मुलाम्फा मोनो हागोन। गोजोन मोनगोन। मोजां सान।
- मिथुन:** जेरैबो नख'रआ जौगानाय फेगोन। शान्तिखौ मोनो हागोन।
- कर्कट:** मानिबा थाखाय रं खरसा खालामनानो हागो। सानै-हयै खरसा खालामनाया मोजां।
- सिंह:** जेखि जाया न'नि गोथार खामानि मावनानै लानो हागोन। सान्नाया जाफुंनो।
- कन्या:** जेरवबो हेंथा मोनो हागो। मोनसेबो सान्नाया जाफुंनय नड। गोसोखौ हमथा।
- तुला:** जेखियानो जाया नख'रआव शुभ खामानि मावनानै लानो हागोन। बे राशिनि थाखाय मोजां सम।
- बृश्चिक:** जेरवखि जाया मानो हेंथा एबा अजद मोनो हागो। जेखि मावा सांग्रां जानांगोन।
- धनु:** माबा मोनसे मुवा-बेसादफोर खहा जानो हागो। गोसोखौ शान्ति मोन्नाय नड।
- मकर:** दिनैनि दिनआव जिगा सिनांगोआ जोबनाय नड। जेखियानो मावा सान्ति गैयै जागोन।
- कुम्भ:** बे राशिनि थाखाय शुभ दिन। मोजां हाबा मावनानै लानो हागोन।
- मीन:** माबाफोर फिसा-फिसौ बेरामाव गोरलैबायनो हागो। देहाखौ सांग्राडै लाखिनोनांगोन।

गाहाइ मन्थि मदिआ दर 19 हादतफोरनिफ्राय जौसिन माहारियारि बान्था मोन्जो हादो

गोदान दिल्ली, 20 नभेस्वर: गाहाइ मन्थि नरेन्द्र मदिनो गुयाना आरो बारबाडसआव जौसिन मान बान्थाजो बरायनाय जागोन। बेनि सिगां डमिनिकाया बावैसो सिगाडव गाहाइ मन्थि मदिनो हादतनि गोजो थाखोनि मान बान्थाजो बरायदोमोन। दासिमाव गाहाइ मन्थि मदिआ मुलुगनाडैनि दर 19 हादतफोरनिफ्राय माहारियारि मान बान्था आजावनारिनि उनाव गाहाइ मन्थि मदिखो जौसिन माहारियारि मान बान्था दा अर्डा अफ एक्सीलेन्सजो बरायगोन। फारसेथि बारबाडसआव मदिखो मुंदांखां अर्डा अफ फ्रिडम अफ बारबाडस बान्थाजो बरायगोन। बेनि सिगां नाइजिरियाआ रबिबाराव गाहाइ मन्थि मदिनो गावसिनि नैथि देरसिन माहारियारि बान्था 'ग्रेन्ड कामान्डर अफ दा अर्डा नाइजार' जो मान बाउयो। बे मान बान्थाजो लोगोसेनो गाहाइ



मन्थि मदिआ नैथि गुबुन हादतयारि दैदनगिरिबो जायो, जाय मुंदांखा बे बान्थाखौ मोनो हादो। बान्था आजावनारिनि उनाव गाहाइ मन्थि मदिआ बुडोदि, नाइजिरियानि 'ग्रेन्ड कामान्डर अफ दा अर्डा नाइजार' बान्थाजो मान बाउजानायाव जोबोर गोगानाय मोन्दो। बेखौ

बिथाडा गोबोर्जो गनायो आरो भारतनि सुबुंफोरनो गथायो होना बुदो। बेयो मदिनि 17थि इन्टरनेसनल बान्था। बेनि सिगां 1969 आव ब्रिटेननि महारानि

एलिजाबेथखौ बे बान्थाजो मान बाउनाय जादोमोन। मुलुगनां थाखोआव गाहाइ मन्थि मदिनि अन्सायजानाया गोबांसिन दड। मोनसे सार्भेयाव बिथांखौ

सुबुंफोरजो अन्सायजानिनाय दैदनगिरि होना बुदोमोन। बेनि अनगायै मुलुगनि गोबां हादतफोर बिथांखौ गोजो थाखोनि मान बान्थाजो बरायखांबाय। ओन्सोलारि आरो मुलुगनां थाखोआव बिथानि दैदेनारिनि रोग'थिनि थाखाय गाहाइ मन्थि मदिनो 2014 निफ्राय दासिमाव दर 19 हादतफोरनि जौसिन माहारियारि बान्थाजो लोगोसे इउएननि जौसिन आबहावा बान्थाजो मान बाउनाय जादो। मख'जाथावदि, गाहाइ मन्थि मदिनो 2016 आव आफगानिस्तानआ स्टेड अर्डा अफ गाजी एमिर अमानुल्लाह खान, फेब्रुवारी 2018 आव फिलिस्टाइनआ ग्रेन्ड कलार अफ दा स्टेड अफ फिलिस्टाइन, अक्टबर 2018 आव इउएसा इउएन चेम्पियन अफ दा आर्थ एवाइडखौ होदोमोन। फारसेथि एप्रिल 2019 आव इउएया अर्डा अफ दा जायद आरो एप्रिल 2019 आवनो रासियानिफ्राय अर्डा अफ सेन्ट एन्ड्रयु एवाइडखौ मान बाउदोमोन। भारतनि गाहाइ मन्थि मदिखौ बेनि अनगायै जुन 2019 आव मालद्वीप, आगस्ट 2019 आव बहरीन, दिसेम्बर 2020 आव अमेरिका, दिसेम्बर 2021 आव भुटाननिफ्रायबो मोनगोनां मुंदांखा बान्थाफोरखौ मोनो हादो। थानाय बोसोर 2023 आवबो मिस्र, निउ गिनी, एलाउ गणराज्य, फ्रान्स हादफोरनिफ्राय गाहाइ मन्थि मदिनो मान बाउदो।

सामब्राम गोजानि बेसेना बाडाइ जासिगोन

गोदान दिल्ली, 20 नभेस्वर : सरकारनि फारसेनिफ्राय सामब्राम गोजानि बेसेनखौ सामलायनो थाखाय लांथिने नजागासिनो दड। बेनि थाखाय बफर स्टेकनिफ्राय सामब्रामखौ कम बेसेनाव फानायजो लोगोसे आरोबाव गुबुन गुबुन थांखि लागासिनोदि, दड। आथिखालाव मिरुनि फारसेनिफ्राय फोरमायोदि, बेसेनफोरखौ सामलायनो थाखाय बाजाराव आखाय होनायनि गेजेरजो 720 टन बफर सामब्रामनि 5 थि खेपआ 29 नभेम्बराव राजथावनि दिल्लीयाव सौहेगोन। बेयो थानाय दानाव जागायनाय सरकारनि थांखिनि मोनसे बाहागो, जायनि गेजेरजो रेलवेनि मदतजो गिबि खेब महाराष्ट्रनिफ्राय दिल्लीसिम सामब्रामखौ दैथाइहरनाय जागोन। दासिमाव 4,010 टन सामब्रामखौ किल'आव 35 रं बेसेनजो रिटलाव फाननो थाखाय दैथाइहरखांबाय। सरकारि बिबुंथिनि बायदिव्ला 720 टननि 5 थि खेबआ नासिकनिफ्राय रावना होगोन आरो बेयो 21 नभेम्बराव दिल्ली सौहेनो हागो। 17 नभेम्बराव सौहेनाय 840 टननि ब्रैथि खेबनि गेजेराव सरकार दिल्ली एनसिआरआव रिटल फाननो थाखाय मादार डेयरिनो 500 टन, एनसिसिआनो 190 टन आरो नाफेडनो 150 टन सामब्राम जगायना



होयो। सरकार बुनाय बायदिव्ला थक आवकआ दिल्लीयाव थक आरो खुन्ना मोनैबो लेभेलाव सामब्रामनि बेसेना गोहोमाव खोख्लैयो। दिल्लीनि अनगायै गुबुन

सहरफोरावबो सरकारनि सामब्राम दैथाइ हरो। बे सप्ताहआव गुवाहाटीआव 840 टन दैथाइ हरबावनो बिथांखि लादो आरो लक्ष्मीआ 2-3 सानफोराव एसेबां बिबांखौनो मोनगोन।

करिमगन्ज जिल्लाआ श्रीभुमि मुडै मिथि जासिगोन

गुवाहाटी, 20 नभेस्वर: आसामनि गिबि मन्थि ७ हिमन्त बिश्व शर्माआ मंगलबारखालि करिमगन्ज जिल्लानि मुखौ सोलायनानै श्रीभुमि दोन्नाय जासिगोन होन्नानै मिथिहोदो। थानाय 10 नभेम्बरखालि राइज्यो केबिनेटनि जथुम्मायाव बे जर'खा थांखिखौ आजावो। गिबि मन्थिआ एक्सआव परस्ट खालामनानै बुंदोदि, 100 बोसोरनिबो सिगां गागि खन्थाइगिरि रबिन्द्रनाथ टैगरआ आसामनि गोदान मुगायारि करिमगन्ज जिल्लाखौ श्रीभुमि (बिमा लक्ष्मीनि हा) महरै फोरमायथिदोमोन। दिने आसाम केबिनेटआ जोनि सुबुंफोरनि बे गोलाव समनिफ्रायनो सोलिबोबाय थानाय दाबिखौ मावफुंबाय। बेनि अनगायै गिबि मन्थिआ एक्सआव बुंवावोदि, थानाय 4 दानआव झारखन्डा थारिनो गावनि गुबुन न' बायदि जादो। अदेबानि बे समाव माखासे बेरेखा जानानैबो थारो जानांगो, नाथाय बे



राइज्योआव जायफोरजो लोगो बानायदो बिसोरनि रुजुनायाव बे अजिमाआ गोबां बांसिनि। आसामआव पुलिसआ करिमगन्ज जिल्लायाव मंगलबारखालि सा 9 बांलादेशिफोरखौ हमनायनि उनाव दैथायहरफिनो आरो कर्नाटक पुलिसआ आइन् बरेखायै भारतआव थानाय सा 9 हाबफेखोमानायफोरखौ चित्रदुर्ग जिल्लायाव हयो। बांलादेशिफोरनिफ्राय पासपर्ट आरो आधार कार्डजो लोगोसे

नंखाय फोरमान बिलाइफोरबो बोखानो मोनो। बिसोरखौ समबारखालि हरआव सन्देह गोनां थासारिआव बेरायदिनाय नुनो मोन्दोमोन। पेट्रुलि होनाय पुलिसआ बिसोरखौ सोथि सोडो आरो बिसोरनिफ्राय बैफोर फोरमान बिलाइफोरखौ जड खालामो। नायबिजिरनायाव पुलिसआ बिसोरखौ बांलादेशनि नोगोरारि होन्नानै मिथिनो हायो आरो बिसोरो माखासे बोसोर सिगांनिफ्रायनो हाबफेखोमानानै थाफेदो।

बेंगुरा गथ 'फोरनि थाखाय इ-कन्टेन्ट थियारि खालामनो सुप्रिम कर्टआ बिथोन होदो



गोदान दिल्ली, 20 नभेस्वर: मिरु सरकारआ सुप्रिम कर्टआव फोरमायदि, एनसिआरआरिआ बेंगुरा गथ'फोरनि थाखाय इ-कन्टेन्ट थियारि खालामनारिनि थाखाय बिथोनमा फोसावदो, जायखौ फरायसालिनि सोलथोथायव एनसिआरआरिआ 2022-23 नि समाव माखासे राइज्योफोरव फोरनिगिरिफोर आरो गुबुन स्टेकहल्डरफोरनि थाखाय ट्रेनि प्रग्राम खुंदो। मिरुआ सुप्रिम कर्टआव गांसे हल्फनामा थिसन्दो जाय जाभेद आवेदो फाउन्डेसननि आरजलाइआव हियारि होदो। आर'जलाइआव फरायसाफोरनि अनलाइन थाखोफोराव गुबुन फरायसाफोरजो समान बाहागोयारिखौ रोखा खालामनो थाखाय बिथोनमा फोसावनारिनि बिथोन होनोबो खालायदो। बे केसखौ मंगलबारखालि बिजिरिगिरि बिआर गभइ आरो बिजिरिगिरि केथि बिश्वनाथनि बेन्सआ हियारि होदो। मिरु सरकारनि जानानै सलिसिटर जेनेरल एरवर्थ भाटीआ बे केसनि गथायनाय हल्फनामाखौ बुंथिना होयो। आर'जलाइ थिसनग्रानि जानानै उकिल संचित एनआ मोनसे गुबुन केसआव सुप्रिम कर्टआ 8 नभेम्बरखालि फोसावनय थांखिखौ गथायनानै बाध्रा बानबुंथि होयो। बे केसनि थांखि फोसावनयाव कर्टआ मिरुनो 3 दाननि गेजेराव बेंगुरा-बेंगुरिफोरनि थाखाय सुबिधाफोर होनायनि बिथोन होदोमोन।

शि जिन्पिंखौ सौखारिनायनि उनाव स्टारमरआ मदिजो सावरायदो

गोदान दिल्ली, 20 नभेस्वर: जी-20 शिखर जथुम्मानि समाव रिय-डि-जेनेरियआव चीननि हादरगिरि शि जिन्पिंखौ सौखारिनायनि उनाव ब्रिटेननि गाहाइ मन्थि कीर स्टारमरआ भारतनि गाहाइ मन्थि नरेन्द्र मदिजो लोगो हमदो। सानै दैदेनगिरिफोरनि बे लोगो हम्जलायनायाव दलै हादरआ 2025 आव फालांगियारि सावरयनायखौ जागायफिनो थांखि लायो। बेयो भारत आरो इउकेनि गेजेराव फालांगियारि सोमोन्दोफोरखौ गोदान थाखोसिम लांनय फारसै मोनसे मख'बाथाव थांखि। सानैबो दैदेनगिरिफोर थाबैनो उदां फालांगि रादाइनि सायाव सावरयनायखौ जागायफिनारिनि सायाव गनायथिनाय फोरमायो। सुलुंनि बादिक्ला, भारत आरो ब्रिटेनआ गावनि फ्री ट्रेड एग्रिमेन्टखौ जोबथा



महर होनायाव माखासे सेलेस्फोरजो मोगा-मोगि जानदो। बे सावरयनाया 2022 निफ्रायनो सोलिबोबाय थारो। नाथाय बेयो भारतनि भिजा नेमखाथिफोरखौ गोलै गोलै खालामो आरो ब्रिटेनआ भारतयारि फरायसा आरो प्रफेसेनलफोरनि थाखाय टेक्सखौ बाडाइ खालामनो दाबि दैखानांयनि सायाव थाबथानानै थारो। बे दाबि दैखानायखौ ब्रिटिस सरकारआ गनायाखै।

चीननि हादरगिरि शि जिन्पिंजो लोगो हमनायाव बिथाडा ब्रिटिसएमपिफोरनि सायाव जाबसिन्नाय होबथानाय आरो हंकेनि सुबुंखान्थि मददगिरि मावसुमा जिमि लाइनि गात्रि देहानि आयदाखौ दैखाडो। सुलुंनि बादिक्ला, जिमि लाइआ सासे ब्रिटिस नोगोरारि आरो बियो सुबुंखान्थि मददगिरि मिडियानि बिगोमा। आथिखालाव बियो हंके जेलआव जोबथेजानानै दड।

आसामनि गुवाहाटीयाव फन सिख'नायनि दायव सासे डिलिभारि एजेन्टखौ ग्रेप्टार खालामदो



गुवाहाटी, 20 नभेस्वर : आसामनि गुवाहाटीआव चान्दमारि पुलिसनि मोनसे टीमआ बुधवारखालि गंसे मबाइल फन सेख'नायनि डिलिभारि एजेन्टखौ ग्रेप्टार खालामदोमोन। बे जाथाया पर बरनिआ ओन्सोलनि खाथियाव हरनि 11:00 रिगायाव जायो होना धुनिग्रा

लचन रजतआ दाबि दैखानो। अजद दैखानायनि सायाव बिथा खालामनानै पुलिसआ सासे सन्देह' खालामथावखौ मिबथिनो हायो, जायनि उनाव बिनि फुट डिलिभारि एजेन्ट महरै मिबथिनो मोनो। पुलिसआ बिखौ हयो आरो गोब्राबे खावनाय मबाइलखौ बोखाडो। दायनिगिरिखौ आसामनि दिमा हासावनि उमरंसुनि थागिबि अर्जुन मालाकार मुडै सिनायथियो। पुलिसआ मालाकारनिफ्राय गंसे स्कुटरखो जड'खालामो, जायखौ बियो दायनिगिरि हाबा मावनो थाखाय बानायदोमोन। मख'नो गोनांदि, थानाय माखासे दानफोराव जर'खा ओन्सोलनिफ्राय चेन-स्नेचारफोरनि माखासे रिपर्टफोर नुजाथियो।

मेघालयनि जयन्तिया हिल्सआव बिसिखौ अरजो सावनयनि दायआव सासे सुबुंखौ ग्रेप्टार खालामदो



शिर्ल, 20 नभेस्वर: मेघालयनि इस्ट जयन्तिया हिल्सआव सासे सुबुंखौ गावनि बिसिखौ अर सावनयनि दायआव ग्रेप्टार खालामनाय जायो। बे सुबुंखौ मंगलबारखालि ग्रेप्टार खालामनाय जादोमोन। मानोना बे जाथाया सेप्टेम्बर दानाव जादोमोन। सुलुंनि बायदिव्ला, दायनिगिरिखौ सान्जा जयन्तिया हिल्सनि सिडाव थानाय लातरिके गागिनि थागिबि दाहुन

दखर मुडै सिनायथिनाय जायो। बिथांखौ सान्जा जयन्तिया हिल्सनि पुलिसआ ग्रेप्टार खालामदोमोन। बिथाडा नख'रनि माखासे जे'नानि जाहोनाव 29 सेप्टेम्बरखालि गावनि बिसिखौ अरजो सावदोमोन। ग्रेप्टार खालामनायनि उनाव जायगानिनो बिजिसालिया दायनिगिरिखौ सानबानि थाखाय पुलिसनि बेंखनाव

आमेरिकानि राजथान्दैनि थान्दै हान्जाया बिटिसिनि गाहाइ मावफुं सोद्रोमाखौ लोगो हमफैदों

माजबातआव बिपिएफनि गोदानै जाफुनाय पासनै सेरफां ब्लक आफादनि समायखिरा लानाय हाबाफारि

उदालगुरि, 20 नभेम्बर: उदालगुरि जिल्लानि 47 नं माजबात विधान सभा बियाबनि सिडव मैया बिपिएफ दोलोनि गोदानै दाफुनाय पासनै सेरफां ब्लक आफादनि समायखिरा लानाय हाबाफारि खुनाय जायो। बे हाबाफारिखौ आफादगिरि मासि लानानै सामब्लायो बिपिएफ दोलोनि पासनै सेरफां ब्लक आफादनि आफादगिरि श्याम चुन्दिआ। मेलखौ दैदेनानै तांखि बेखेवनानै होयो पासनै सेरफां ब्लक आफादनि गाहाइ नेहाथारि बेनुधर अधिकारिआ। बे हाबाफारियाव बिपिएफ दोलोनि पासनै सेरफां ब्लक आफाद, लाइमोन सेल, आइजो सेलनि गोदानै दाफुनाय आफादनि सायख'जानाय आफादगिरि, (□ 6 बिलाइआव)

कक्राझार, 20 नभेम्बर: राजखान्थियारि परिक्रमा बिधाननि मन्थि आरो बोसोनगिरि ग्रेहाम मेयार दैदेनयाव गोदान दिल्लीयाव थानाय आमेरिकानि राजथान्दैनि मोनसे गोजौ थाखोनि थान्दै हान्जाया मैया कक्राझारआव साननैनि हाबाफारिजों दावबायफैनाइ बिटिसिनि गाहाइ मावफुं सोद्रोमा प्रमद बर'खौ लोगो हमफैयो। थान्दै हान्जायाव गागि राजखान्थियारि बोसोनगिरि ए सुकेश, राजखान्थियारि बिबानगिरि जेन रबिन्स आरो राजखान्थियारि बोसोनगिरि तिकु रय मोनहा बाहागो लायो। सावराय जथुमाव थान्दै हान्जाया बिटिआरनि जौगाथायआरि तांखिफोरखौ हेफाजाब होनायनि सायाव गोनांथि होन्नानै देहा आरो सोलोथाइ बायदि गोनांथार बिथिडव होनो हाथाव मददनि सोमोन्दै



सावरायलायो। बे दावबाफैनायाव आमेरिका जुथाइ रइज्यो आरो बिटिआरनि गेजेराव सोमोन्देखौ गोखौ खालामनायनि सायाव गोसो जानाय बाथ्राखौ मख'यो, जायनि थांखिया जादों रंखांथियारि-समाजारि जौगाथायनि सायाव गोनांथि होनाय। बे सावराय मेलव ओंथि गोनां हेफाजाबारि बिथा गायसनजागोन होन्नानै मिजिंथिनाय जादों। बिटिसिनि गाहाइ मावफुं सोद्रोमा प्रमद बर'आथान्दै हान्जाखौ बरायनानै गोजोन्नाय फोरमायो। बिथाड बुडोदि, ग्रेहाम मेयार आरो बिथानि हान्जाखौ बिटिआरआव बरायनानै गोजोन्नाय मोन्दों। बिसेरनि नोजोरिथि आरो सावरायनाया ओन्सोलनि दावगाथाय आरो जौगाथायनि थाखाय ओंथिगोनां बाहागोदारि दाफुनायाव (□ 6 बिलाइआव)

सालबारिनि उदालगुरिआव गिखंथाव लामानि जाब्रबथायाव साबा सुबुंनि जोखोम

भबानिपुर, 20 नभेम्बर: बाक्सा जिल्लानि सालबारि महकुमानि लाबदांगुरि पुलिस थानानि सिडव थानाय उदालगुरि-मइनामाता गामियाव काताझार-काहितामा लामायाव थानाय हराव मोनसे गिखंथाव लामानि जाब्रबथाय सोमजिओ। मख'नो गोनांदि, गोबारे खारबोनाय सामब्लायथाय खोमानाय गंसे बलेर' हरिया गंसे मटर साइकेल, लामानि (□ 6 बिलाइआव)

गुवाहाटीनि सोनाब बरागावयाव लुनाय मुंख्लं गोसोखांथि थावनिखौ गिबि मन्थि ड॰ हिमन्त बिश्व शर्माआ नायसंफैदों

दिसपुर, 20 नभेम्बर: आसामनि गिबि मन्थि ड॰ हिमन्त बिश्व शर्माआ दिने आसाम सोमावसारनायाव मुं'खलं जानाय फोरनि गोसोखांथियाव गुवाहाटीनि सोनाब बरागावयाव लुबाय थानाय मुंखलं गोसोखांथिखौ नायसंफैनाइ खामानि-दामानि जौगाथांनयाखौ मिबिथिना लादों। मख'नो गोनांदि, गिबि खोलोबयाव 100 कौटि रं बाहायनानै लुनाय बे बिथांथिखौ फेगौ 10 डिसेम्बर एबा 2025 माइथायनि गिबि खोलोबयाव राइजो-राजाफोरनि थाखाय बेखेवनाय



जागोन। गिबि मन्थि ड॰ शर्माआ मुंखलं गोसोखांथि थावनि लुनाय जायगाखौ नायसंनयनि उनाव खौरांगिरिजों बाथ्रा सावरायलायनायाव बुंदोदि, आसाम आरो असमीयानि थामोन्था रैखांथिनि सोमावसारनायाव जिउ बाउनांनया गे देमा मुं'खलं फोरनि गोसोखांथियाव रइज्यो सरकारआ बे गोसोखांथि थावनिखौ लुनायनि खामानिखौ आखाइयाव लादों। बिथाडा बुंदोदि, बे गोसोखांथिनि 90 जौखोन्दो खामानिया आबु जाबाय। गिबि खोलोबयाव 100 कौटि रं (□ 6 बिलाइआव)

तामुलपुरआव दुलाराइ आसाम फरायसा आफादआ गोखौ सोमावसारदों



तामुलपुर, 20 नभेम्बर: गोनांथार मुला-बेसादिनि बेसेन बांनयनि हेँथायै आरो बेसेन बांनयखौ दवथायनो दाबिनानै दुलाराइ आसाम फरायसा आफाद खालायनाय बायदिये दिने तामुलपुर जिल्ला आसुआ गोखौ सोमावसारनाय हाबाफारि खुडे। तामुलपुर जखर फरायसा आफादनि गाहाइ मावखुलिनिफ्राय खुद्रिसारनाय हान्जा सुरनाय हाबाफारि खुनाइ आसुनि बिबानगिरि-सोद्रोमाफोर तामुलपुर खोजोना बेंखन बिबानगिरिनि मावखुलि मोखाडव खुद्रिसारनाय हाबाफारि खुडे। सोमावसारगिरिफोर बेसेन बांनयखौ होबथानो हायै जगायथाय मन्थि रजिन्त (□ 6 बिलाइआव)

गसाइगावआव ग्रिन लिफ फाउन्डेसनआ जिब-जुनात फिसिनायनि सायाव सांग्रांथियारि मेल खुंदों

गसाइगाव, 20 नभेम्बर: कक्राझार जिल्लानि गसाइगाव महकुमानि सिडव थानाय मोनसे सरकारि नडे' फसंथान ग्रिन लिफ फाउन्डेसननि बांनयनायाव गोजां बोथोराव न'आव फिसिजानाय जिब-जुनातनि जोथोन आरो फाहामथाय आयदाखौ लानानै 1 नं भमराबिल गामियाव जिब-जुनात फिसिनायनि सांग्रांथियारि मेल खुनाय जायो। गोजां बोथोराव आफां आसामाव जर'खौयै गामि ओन्सोलाव न'याव फिसिजानाय जिब-जुनातनि गुबुन गुबुन बेरामफोरा



नाखेबनायखौ नुनो मोन्या जायो। न'याव फिसिनाय जिब-जुनातफोरनि थोजासे जोथोन आरो मोजां फाहामथायनि आंखालाव गोबां आबादारिफोरा जिब-जुनात फिसिग्राफोरा खहा जादों। जाउनाव आबादारि आरो जिब-जुनात फिसिग्राफोरा रंखांथियारि महै नोरजिया जालानायखौबो नुनो मोन्या जादों। गोजां बोथोराव न'आव फिसिजानाय जिब-जुनातफोरनि थोजासे जोथोम (□ 6 बिलाइआव)

उदालगुरियाव रेनब-फ्रि स्कुल मुनि सोलोथाय फसंथान बेखेवदों

उदालगुरि, 20 नभेम्बर: उदालगुरिनि मिसन चकनि पराशर मिरु नामघरनि साखाथियाव रेनब-फ्रि स्कुल मुनि मोनसे फरायसालिखौ बेखेवदों। गियान, जौगाथांनयाव आरो गोजौ थाखोनि गाहाइ थांखि लानानै उदालगुरि सोहोराव मैया मंगलबारसालि फरायसालिखौ जागायजेन्याय जादों। मख'नो गोनांदि, 2 खावसे बोसोर (□ 6 बिलाइआव)



सा-सान्जा भारतनि देरसिन फालांगियारि दिन्थिफुंनयनि थामथि खेब हाबाफारि खुंनो साखा-फारा

22 निफ्राय 24 नभेम्बराव गुवाहाटीनि सरुसजाय स्टेडियमआव खुंजागोन

गुवाहाटी, 20 नभेम्बर: जोबोद मिजिंथिजानाय नर्थ इष्ट बिल्ड एन्ड उड एक्सप' 2024 नि थामथि खेब आरो लोगोसेनो कनमाक एक्सप' 2024 इन्भेन्ज ट्रेड फेयार एन्ड इन्भेन्स प्राइभेट मिलिटेडनि बांनयनायाव मख'जाथाव हाबाफारि खुंनो साखा-फारा जाबाय। मख'नो गोनांदि, सोलिफु दाननि 22 नभेम्बरनिफ्राय 24 नभेम्बरसिम आसामनि गुवाहाटी सरुसजाय स्टेडियमआव हाबाफारिया खुंजागोन। बे खेबनि हाबाफारिया आथिखालनि गेजेराव गोहोम गोनाडे खुंजायनि थाखाय साखा-फारा जाबाय। जेराव 250 निखुइ बांसिन



गोजौ थाखोनि ब्रेन्डआ दिहुनाय मुवा-बेसाद, दिहुनग्रा बिरोंदामिन, इन्टारियर्स, दफानि पेनेल उद्यग आरो गुबुन बेसादफोर आरो गोदान दिहुन्थायफोरखौ दिन्थिगोन। आगुनि नैथि खेबनि हाबाफारिया जाफुंसारनायनि उनाव, जाय फारियै 110 आरो 180 नायदिंगिरिफोरखौ गोसो बोनो हादोंमोन, बे बोसोरनि एक्सप' उद्यगनि गाहाय बाहागोदारि, प्रफेंसनेल, आरो गोसो गुदुं सुबुंफोरजों लोगोसेनो सा 10,000 नि बांसिन बाहागो लाफैगोननि मिजिं थिनाय जादों। मख'नो गोनांदि, उद्यग प्रफेंसनेल आरो इन्भेस्ट खालामगिरिफोरनि थाखाय मोनसे जर'ग नर्थ-ईस्ट बिल्ड एन्ड उड एक्सप' 2024 आ जाबाय आक्रेट्कार, बिल्डिं मुवा-बेसाद, इन्टेरियर्स डिजाइन, दफानि खामानि, पार्निसार दिहुन्नाय, दफानि पेनेल उद्यग, इक'-फ्रेन्डलि (□ 6 बिलाइआव)

उदालगुरियाव माहारियारि बर' खृष्टान गौथुम (एनबिसिसि)नि मावफुं मेल खुंदों

कक्राझार, 20 नभेम्बर: माहारियारि बर' खृष्टान गौथुम (एनबिसिसि) आ उदालगुरिनि हरिसिंगायाव थानाय बर' बेपिटिस्ट क नं नसन (बिबिसि) नि गाहाइ मावख'आव मैया मावफुं मेल खुंनया जायो। बे मावफुं मेलव आसाम आरो बिटिआरनि युडुन गुबुन जिल्लानि गोबां मावफुं सोद्रोमाफोरा बाहागो लायो। बे (□ 6 बिलाइआव)



कक्राझारआव सासे लाइमोन आबादारिआ आबाद जांखिथाय लाबोदों ड्रेगन फिथाइ फान्नानै 6 दानाव गोबां लाख रं आर्जिदों लाइमोन आबादारिआ

बासुगाव, 20 नभेम्बर: मोनसे बाथ्रा बुनाय दड'दि गोसो जाब्लानो गोलेसोना थानाय हायावबो रं मोनो हायो। बे बायदिनो कक्राझार जिल्लानि सालाकातिनि खांथियाव थानाय बेनिबारि गामिनि सासे लाइमोन गावनि बारियावनो ड्रेगन फिथाइनि आबाद मावनानै गोबां लाख रं आर्जिदो हादों। साखियाल' गाव गसंथानायनि मोनसेय' रहा नड, गाव गसंथानायनि गोबां गुबुन गुबुन रहा दं, बेखौ फोरमान होदों कक्राझारनि लाइमोन आबादारि अरुन कुमार रायआ। जाय समाव रइज्योनि लाख-लाख साखि गैजायै लाइमोन सेंग्रा-सिखलाफोर साखि एबा थिसन्थाय नागिरनानै हालाय-हाफाय जानानै गुबुन रइज्योयाव खामानि नागिरहैदों



बे समावनो बेनिबारिनि लाइमोन आबादारि अरुन कुमार रायआ आबाद मावनानै गाव गसंथानायनि मोनसे समायना बिदिन्थि होदों। मबाइलआव इउटिउबाव सोलोथाइ लानानै नै बोसोर सिगां गावनि न'यावनो थानाय नै बिथा हायाव ड्रेगन फिथाइनि आबाद मावदोंमोन आरो दासान्दि ड्रेगन फिथाइ फान्नानै गावनि आर्जिनायनि लामा दिहुन्ना लानायजों लोगोसे ड्रेगन फिथाइ आफादखौ नायनो-जोथोन लानो थाखाय ओन्सोलनि साबा सुबुंफोरनो खामानि होनो हादों। लाइमोन आबादारि अरुन कुमार रायआ दासान्दि कक्राझार आरो चिरं जिल्लानि हाथाव दखल खालामनो हादों। आबु अर्गेनिक आदबजों आबाद मावनानै हाथाय दिहुन्नाय ड्रेगन फिथाइनि (□ 6 बिलाइआव)

महात्मा गान्धीनि सिगां भारतयारि रं नटआव सोरनि सावगारि दंमोन मिबथिनो गोनां

जों भारतनि रं नटआव सासेल' गेदेमा सुबुनि सावगारि नुनो मोनो। बे सावगारियानो जादो, माहारियारि बिफा महात्मा गान्धीनि। नाथय बिथानि सिगां रं नटआव सोरनि सावगारि दंमोन ? अमेरिकान नटफोरार गोबां हादतगिरिफोर आरो गुबुन सुबु'फोरनि सावगारि थायो। फारसेथि, इडकेनिनटआव राजा एबा रनीनि सावगारि दड। नाथय भारतनि मोनफ्रोम रं नटआव महात्मा गान्धीनिल सावगारि नुनो मोनो। बिथानि सिगां भारतयारि नटफोराव सोरनि सावगारि दडमोन नोंथाड मिबथिगौना ? भारतयारि नटफोरनि जारिमिनाव गोबां सोलाय-सोल' जाबोदो। भारतआ उदांस्त्रि जानायनि उनाव भारतयारि रं सिक्काफोरार ब्रिटिश



नेसोनथिफोरनि जायगाखौ लायो आरो सिंह स्ताम्भ एबा नोसोनारि सावगारिफोरखौ बाहायो। बेयो भारतनि बिरसत आरो हरिसुवारि सिनायथिनि मोनसे मख'जाथाव नेसोन। ब्रिटिश खुंथायनि उनाव सरकारआ 1949 माइथायाव गिबि खेब गोदान डिजाइननि नट लाबोयो आरो बे नटआव अशक

काम्पानि सावगारि दंमोन। महात्मा गान्धीनि सावगारिया 1969 आव गिबियै भारतयारि रिजार्थ बेंकनि गेजेरजों नटआव सेबखांजादोंमोन। बे नटआव सेवाग्राम आश्रमनि मोखाडव जिययनाय गान्धीजीनि सावगारि दंमोन। महात्मा गान्धीनि मिनिस्लुनाय महर सावगारिया

गिबि खेब 1987 आव गांफ्रोमबो भारतयारि रं नटआव सेबखांजादोंमोन। 1987 नि अक्टबरआव गान्धीजीनि मिनिस्लुनाय सावगारिया 500 नटआव सेबखांजादोंमोन। बेनिप्रलयनो गांफ्रोमबो रं नटआव बिथानि सावगारिखौ सेबखानायनि सिगां भारतयारि नटआव ग्रेट ब्रिटेन ब्रैथि किं जर्जनि सावगारि दंमोन। भारत उदांस्त्रिनि उनाव ब्रिटिश सम्राटनि सावगारिखौ सोलायनायनि यजना लादोंमोन। नाथय बेखौ गोबाव समनि उनाव गोहोमाव लाबोनाय जादों। बै समाव रं नटफोराव सारनाथनि सिंह काम्फानि सावगारिखौ बाहायनाय जादोंमोन।

गोदान आबहावा

हायरे ! बे मुगायाव संसारनि बोहैथि देया मासेबां गुबुले, थरथिसे गोगो नागिरनानै मोननो गोब्राव; आनान ग'साइयाखि गुबुले दैजों खुसि जागोन, बेफोर दैखौ लोंब्लाखि सुबुनि देहाया गोखों जागोन। बेखायनो नामा बे जिउआ थोजासे आदार मोनजायै, गावनि बिगोमाजों नायस'नजायै बेगेंजों बिगुरजों जानाय लामानि सैमा फाखि!! आंखो सोर जोनोम होयामोन आं मिथिया, आंनि आफया मा बायदिमोन आं सिनाया; खायसेबा बुडे-आंलायनो माइबारिनि फिसाज्ला, आरो खायसे बुडे-आंलायनो मोब्लानि मोखांसे नाथय दिने आंदि मोदाय गथ' (Basterd)। मालाय बिजय, पिंकि मोनहा बिमानि आहार मोनजानानै देरदों, मालाय बिफानि फाफिलयाव गाखोनानै गराइ दान्रायानो मोन्दें; शेवबोदि बिसोरनि आंथि-आखायफ्रा मोनिया, बिसोरनि बिखाया लांदां एलबाम। गोगो दै नागिरब्लाबो मोनैयाव आं आनान ग'साइखौनो सिबिनो हाया जाबाय, देहायाबो लोरबां-थोरबां जाबाय, खुगायाव आवरायो फेथेर-फेथेर आर'ज गोसोयासो थिर नड मानोना आनान ग'साइयाबो खेबसेखौ खोनासड, बिनि खोमायाबो सोरबा रं कुबीरजों थुलासो माथु जाबाय नामा! नाथय दाबो दावखायादि फुराखै, दावब'यादि गोसोम गाब गायारखै दैयाबोदि साहाथिं बोहैयाखै।

मुद्रि सनिराम बसुमतारी

नोंखौ आं बोरै बावनो हानो

नोंनि मिनिखेरो मिनिनाय नोंनि लाजिस्तु राव होनाय, मै मेलेगिनि गल' नायनाय नोंखौ आं बोरै बावनो हानो.... ? ख..... ? नोंनि रोमेलु मेगननि इसाराजों हायना सारफावनाय बै बारगलानाय बुब्लिखौ। जेबोला आं नोंजों दानदिसे बिदाय लानो नोंप्रानाव थादोंमोन। नोंनि रैदुब आखायजों जाहो हरनाय बै अन्नायनि गय खांन्दिसेखौ आं बोरै बावनो हानो.... ? हाया....हाया....बिनानाव आं थारैनो बावलांनो हाला नोंनि गोथार अन्नायखौ बे आंनि थिफिल्लं जिउनि अनसुला गोरबोआव बोजोबा बोजोब थारैनो नोंखौ नेना थागोन आं बै गाथोनाव। नोंखौ आं बोरै बावनो हानो.... ?

मुश्री सोरां बसुमतारी
ला:सो:- कक्राझार
जिला- कक्राझार बि टि सि

जिनाहारि

गोसोनि मैलाखौ नुआ रावबो, नुनायावल' महर गोसा नाथाइ नड गोसो गोजों, होयो गाजि नोजोर होगोन नामा नोंबो नोंनि बिदा बिनानावनि सायाव गाजि नोजोर। हरनि समाव ओखारनो हाला, खोमसि दरसि हरनि समाव गोजों गुवार अखोरं सिंयाव गाबखावयो गावनि रैखानि थाखाय, आंथि खुलुमबाबो हगारा नोंबो मासे जुनार। नुनो खोनानो मोनसै सानसे साननैनि उनाव जिनाहारि जानाय सोलायदो नों नोंनि गाजि नोजोरखौ, नायदो नोंबो सासे आइजोखौ मानसि आरो मोदाइजोनि महराव। नोंबो सासे आइजोनि गोरबोनि नेरसोन, लाजिदाफोनासै, दागंलायहोसे बि बिमानि खर'खौ नोंनि थाखै सोलायदो नों नोंनि गाजि नोजोरखौ।

अरायथि ब्रह्म
दैमुगुरि, कक्राझार

बर'नि फिसाफोर

नै नोंसोर बर'नि फिसाफोर- मेगना खेव मेगना खेवदो। नै, नोंसोर बर'नि फिसाफोर- नायफिन्दो नोंसोर गावनि बर' हारिखौ। बोखांदो नोंसोर गावनि हारिनि गियानखौ, अनखांदो नोंसोर गावनि असे बर' सुबुंखौ। नै, नोंसोर बर'नि फिसाफोर- दाखालामसै नोंसोर आलाय-सिलाय, गावनि असे आंगोनि बर' हारिखौ। थैनि बेरस्रावनायजों, थैनि बेरस्रावनायजों। नै, नोंसोर बर'नि फिसाफोर- मानो मुगैखो नोंसोर गावनि असे हारिखौ। मानो मुगैखो नोंसोर गावनि असे बर' सुबुंखौ मानो बावलांखो नोंसोर गावनि असे आंगोनि बड'लेण्डखौ ? नै, नोंसोर बर'नि फिसाफोर- फैफिन्दो नोंसोर खौसेनि गियान लाना। खौसेनि आखाय मुथाजों बिरहो फैदो नोंसोर बड'लेण्डनि फिरफिला। बुहुमनि मोखथांखोर अखों बिखानि, खोलो-खोलो बारनाय बारनि सायाव आलो-आलो। बायदेमलाय-सिदेमलाय गेलेथों रंजा खुसि जोनि बर' हारिनि बड'लेण्ड फिरफिला। बिनि सायखंआवनो थाना थागोन जों बर' हारि। नै, नोंसोर बर'नि फिसाफोर बे गोमोथाव लाथिख'माया बुहुमाव, बेजोंनो गायसनना गालांदो नोंसोर बर' हारिनि सिनायथि नेसोन- बड'लेण्ड आलादा हदोरनि गोग्गोम खम्फा।

श्री निर्मल चन्द्र बसुमतारी

रंजालि गथ'फोरनि सौरा

आं फैफिनगोन

सानसेब्लाबो आं फैफिनगोन रजे नोंनि दुंरुद बिखानि गोथार अननाय लानो आं फैफिनगोन..!! नोंनि गावदां खाफालाव गोजा सिन्दुरनि समयना गाब फुनो। आं नोंनि गोजान जादोंब्लाबो अननायआ नोंनि गोबोंआवनो थागोन साखाथियाव आं गैयाब्लाबो आंनि मोजां मोननाया अरायबो नोंनिनो साखाथियाव। राहा गोथेजानानै... आं दिने गोजानाव आनज्रायबोबाय रजे नोंल' नेनानै था आंनि फैफिननाय फैफिनगोन आं नोंनि सेरावनो सानसे। मोदैजों बिदाय दाहोसै रजे आंनि मिर्जिनि हाथिनया लामाखौ दुखुजों दाखाय नांलिया नों आंनि गोजोन संसारनि लामा नागिरनायखौ। आंनो गावदों रजे हामा सुरहाबै... नोंखौ नागरना थांनानायनि दिखाराव खामगिदों आंनि बिखायाबो दोमो-दोमोयै अब'थिरा नोंनि जानगाराव फैनांन। हामा दासुरसै..!!!! मोदै दाफुगारसै..!!! आं सानसेब्लाबो फैफिनगोन... नोंखौ अननायजों बिखायाव बोजबना लानो आं फैफिनगोन रजे... नोंनि बायफलेनाय गोसोखौ गोजोन होफिननो।

बेलारोम बसुमतारी
फखालागि (सराइबिल),
कक्राझार

बायग्रेबनाय देरा

जेंना - जेंसि दुखु आफोदजों बुंफबनाय आंनि नख'र, बेराम आजार जोबनो गैयै दानो दं दानो गैया। आगोलाव सनानि देरामोन नाथय दायो थासारिजों बुंफबना बायग्रेबनो हमबाय लुजानाय आंनि गंसे देरा। बर' बिमानि खानाय बानाय फेदेरनाय फोलावनाय, दाव दाव अन्नायाव नुबाय आं दिने मुलुग संसारखौ। नाथय जिउ राहा दानो आं नुहुस'आसै रिउ रिउ, बेरा फारसेथि आंनि बायग्रेबनाय देरा राहा गोथेजानाय, बैथिं थंओब्ला बबेथिंवा मोनहैयो माखोबा सानब्ला गुबुनसो जायो सान्रायमानि गासिबो फेलें। माब्लादि सोरांआव लाबोफिन्तो हागोन बे आंनि बायग्रेबनाय देरा!

निरन दैमारि
नदुवार, बिस्वावथ

आधुनिआ सिख्ला जाबाय

कातिक दाननि दानसां बिदुखव दुगैना समयना मेहेर गोनां सोलेराव स'नाथिनि गाब लाना दोमैलु गोजोन बिदुखव आधुन दाननि आलायारननि रोदा जोंसारनायजों आधुनिआ खोल खोल मिनिफैबाय। फैलाव सोमखोर मिथिगानि खुवाखौ देलाय-लाय फासा जोमना मेगनाव जोंखोल सिमां लाना हिन्जाव गोदान बादि ओंखार बोबाय। स'नानि देस्था गोनां लथायाव दै लाना खेंखा खेंखि लामा - खबाम गोनां आलिजों थाबाय थाबाय आखाइआव खासि दैनाय सेंग्रा फोरखौ मुहिनय मेगनजों नायना दुंरु साननि बिदुखव जंखाय फैबाय। देग्लाय बेलागुराव खाजि जानायनि मिर्जिथिना आधुनिआ आरोबाव सिख्ला जाबाय, सोरबा जोहोलावजों सथब हैनायनि उदां खुंरुनि मोखांखौ नेनानै।

पबित्र ब्रत दैमारि
ग'लाघाट

जांखिखांदो

मुलुगनि बर'फोर दे जांखिखांदो जांखिखांदो बर'फोर दाथासै गुबुनजों नाखेबजाना नासयजाना अगियानखौ नागारादो गियानखौ बोज'बदो, हाथासि जोमै लाखुमानाय बिमानि गोबों रुखु रुखु सौगिलयो गोबों इसिंआव। दावहाथिलिआव रिंखांदों दाहाल थुंग्रिनि देंखो नांगौ जोंनो दावहार जांखिथायनि जांखिखांदो मुलुगनि बर'फोर बोलो फोरना आवगायबोदो फोथाराव, गुबुले आबिजों गेलेना दाथासै जांखिथायनि गोगो बारजों बांहोदो गोसोनि साहस। सुथुरा मोसागलांदोंसै उदां अखांआव जोंखौ सोबख'प्राफ्रा, दासिमबो उन्दुनानै दं हनै देहानि बोलोआ लोरबां जालांबाय अब्लाबो मोनाखै बिसोर सिरि। सोरगिदिं सांग्लबदोंसै इनायनि बारहुंखा बोहेंदों बिमानि मेगनाव आंखालनि मोदै गोबोंआव सौगिलदों इसारा होदों जोबनायनि, हांखायदों दावहाथिलिआव दाहालनि गुमुरखौ मोथिरोयै जेननांगोन लाजिनांगोन। होसिखावनाय बेयो बर' आइजोनि सिमा गैयि उखेनाया नोरजिआ खालामबाय जांखिखांदो, जांखिखांदो मुलुगनि बर'फोर नासयजानायखौ जानगाराव दोन लादो आखायाव दाखार गोनां रेबगन हरनि सिमांखौ गोबोंआव लाना, जाफुहोफेदो बोलोगोरा दावहार रिंखांहोफे खोमायाव सुखुनि मिनिनाय।

मनिका गयारि
गोदान देलहावसि, गहपुर

खोमसिनि आखाइ

जिउनि बेसेन मिथिरोडें सुबुं माहारिनि सायाव खोमसिनि आखाइ मोजोम गाबखांदोंमोन गोथारथिया आसुगुरनि दरसि बुब्लियाव।

सबिराम बर'
राबां, बागसा

GOVT. OF ASSAM
OFFICE OF THE SUPERINTENDENT OF POLICE ::
UDALGURI :: DISTRICT :: UDALGURI ASSAM ::



The above is photograph of Jahanur Alam (12 year 6 month), S/O- Md. Nurul Hoque, Vill- Gardapukhuri PS-Rowta. Dist- Udalguri who has been missing 7/11/2024 from Jhargoon daily Bazar.

This refers Rowta PS GDE No-27, Did. 07/11/2024 and this office Man Missing Register Entry No. 182 Dtd.Ow1 1/2024.
Descriptive Roll of the Missing Person:

1. Complexion - Swarthy
2. Age - 12 year 6 month
3. Height - 3.4 Ft
4. L/known - Assamese, Hindi, Bengali
5. Wearing - Red jacket& Black long Pant

All efforts may be made to trace out/recover the above noted missing person at the earliest and result thereof may be intimated to this office at the following helpline numbers for further necessary action: 6026901138 (Cell phone).

Sd/-
Superintendent of Police,
Udalguri Assam

Janasanyog /D/9019/24/21-Nov-24

GOVT. OF ASSAM
OFFICE OF THE SUPERINTENDENT OF POLICE ::
UDALGURI :: DISTRICT :: UDALGURI ASSAM ::



The above is photograph of Bijoy Narzary (14Yrs), S/O- Simson Narzary, Vill- No.5 Gwjenpuri (Bombe Centre). PS- Mazbat, Dist- Udalguri who has been missing 28/10/2024 from Mazbat Railway Station.

This refers Mazbat PS GDE No-17, Dtd. 30/10/2024 anc this office Man Missing Register Entry No. 179. Dtd. 06/11/2024.
Descriptive Roll of the Missing Person:

1. Complexion - Fair
2. Age - 14 Yrs
3. Height - 4.9 Ft
4. L/known - Assamese, Bodo
5. Wearing - Long Pant & Shirt

All efforts may be made to trace out/recover the above noted missing person at the earliest and result thereof may be intimated to this office at the following helpline numbers for further necessary action: 6026901138 (Cell phone).

Sd/-
Superintendent of Police,
Udalguri Assam

Janasanyog /D/9011/24/21-Nov-24

पिएम मदिआ महाराष्ट्र आरो झारखान्ड भटारफोरनाव जर'खायै आर'ज गाबदौं

गोदान दिल्ली, 20 नभेम्बर : महाराष्ट्र आरो झारखान्ड दरनैबो रइज्योफोरवो बुधबारखालि विधान सभा बिसायख 'थिनि थाखाय भटि जानागौं द। सुलुडव फोरमायनाय बायदिल्ला, झारखान्डआव बेयो नैथि खोलोबनि बिसायख 'थि, जेराव रइज्योनि गासै 38 विधानसभा सिटफोरनि थाखाय भटि जागोन। बेरा फारसे, महाराष्ट्रआव गासै 288 विधान सभा सिटफोरनि थाखाय बुधवारवबो मोनसे खोलोबाव भटि जागोन। बे मख 'जाथाव सानखौ नोजोर लाखिनानै भारतनि गहाइ मन्थि नरेन्द्र मदिआबो महाराष्ट्र आरो झारखान्ड भटारफोरखौ जर 'खा आर'ज गाबदौं। गहाइ मन्थि नरेन्द्र मदिआ झारखान्डआव विधान सभा बिसायख 'थि नोजोर होना नै एक्सआव भटारफोरखौ खालायना नै लिरोदि, झारखान्ड दिने सुबु खान्थिनि महायभनि नैथि जेबथा खोलोब। बिथाडा भट होराफोरखौ लैहोर-लैहोर बाहगो लानानै भटिनि गोदान रिक्ट खालामनो खालायो। नोथामोननि मोनसे मोनसे भटआ रइज्योनि गोहो। बेराफारसे गहाइ मन्थि नरेन्द्र मदिआ महाराष्ट्रनि भटारफोरनि थाखायबो खोर होयो। बिथाडा लिरोदि, दिने महाराष्ट्र



विधान सभा बिसायख 'थिनि गासै सिटफोरनि थाखाय भट सोनाय जागोन। महाराष्ट्र विधान सभानि थाखाय 20 नभेम्बरव जागो गोना बिसायख 'थि खुंथायाव थानाय जु थाइ दोलोआव थाफानाय बिजेपिया बयनिखुइ बांसिने मोन 149 सिटफोरव बिसायख 'थि गेलेगासिनो दड। बेरा फारसे एखनाथ शिन्देनि दैदेनाय

शिबसेनाआ 81 सिटफोरव गावनि बिजाथि फसदौं। फारसेथि अजित पवारनि दैदेनाय एनसिपिआ मोन 59 सिटफोरव बिसायख 'थि गेलेदौं। झारखान्डआव भटिनि सानाव बिजेपिनि आफादगिरि बाबुलाल मरान्डीआ दाबि दैखादौंदि, झारखान्डआव सुबुफोरनि मुडआ हेमन्त सेरनि दैदेनायाव जेएमएम सरकारखौ सोलायनाय।

आमेरिकायाव फरायबाय थानाय गुबुन हदरयारि फरायसाफोरनि गेजेराव बयनिखुइ बांसिनाओ भारतयारि

गोदान दिल्ली, 20 नभेम्बर: आमेरिकानि मुलुग सोलौंसालिफोरखौ सायख 'ग्रा भारतयारि फरायसाफोरनि अनिजमाया लान्थियै बांगसिनो दड। थोनाय समबारखालि इन्स्टिटुट अफ इन्टरनेसनेल इडुकेसननि बादिब्ला, भारतनि 3.3 लाखनिबो बांसिन फरायसाफोरा आमेरिकायाव फरायगासिनो दड। बेजौं थानाय 15 बोसोरव भारतआ गिबि खेब आमेरिकायाव बयनिखुइ बांसिन गुबुन हदरयारि फरायसाफोर दैथाय हरया हदर जायो। सोलौंथाय बोसोर 2022-23



आव चीनआ बे फारिलाइयाव टयआव दडमोन। थानाय सोलौंथाय बोसोरनिफ्राय बे हदरआव जानाय 23 जौखोन्दे बांनयखौ नुनो मोनाय जायो। आमेरिकानि थान्दै मावख 'आ

आमेरिकायाव हारिमायारि फरायसाफोरनि थाखाय मख 'जाथाव हदर जाबय। भारतनि उनाव नैथि नम्बरआव दड चीन, जेरावनि सा 2,77,398 फरायसाफोरा आमेरिकायाव फरायगासिनो दड। बेराफारसे थामथि नम्बरआव खोला करिया (43,149), ब्रैथिआव कानाडा (28,998) आरो बाथिआव दड ताइवान (23,157)। मख 'नो गोनादि, आइआइइआ आमेरिकायाव गुबुन हदरयारि फरायसाफोरनि अनिजमानि सोमोन्दे बोसोरारि नायबिजिनयारि फोसावो।

मेघालय हाइ कर्टआ निन्दु दैमानि रैखाथिखौ गोखौं नोजोर होनो बिथोन होदौं

शिल, 20 नभेम्बर: मेघालय हाइ कर्टआ रइज्यो सरकारनो जयन्तिया हिल्लसआव निन्दु दैमायाव कनस्ट्रुक्सननि मुवाफोर जमायनायखौ होबथानो थाखाय इमारजेन्सि नायबिजिनयारिनि बिथोन होदौं। हाइ कर्टआ वेखौबो रोखा खालामनो बिथोन होदौंदि, दैमानि दै बोहेनायाव जाहाथे हेंथा जाया, जाय आबाव, लोनाय आरो गुबुन थांखिफोरनि थाखाय मख 'जाथाव कर्टनि थांखिआ मोनसे रिट एवा थबथाना थानाय आर 'जलाइनि सायाव हियारि होनायनि उनाव सोराडव फेदौं, जेराव दैमा सेरआव जानला-मोनला कनस्ट्रुक्सननि खामानियाव नोजोर होनाय जादौंमोन। आर 'जलाइ गथायग्राफोरा दाय जाबसिनोदि, सरकारआ कनस्ट्रुक्सननि गनायथि होदौंमोन, नाथाय वेखौ नेमखान्थि बादिथै खालामनायाव फेलें जादौं, जायनि फिनजाथायाव दाखोर, बायखोन्दा युखा बायदिफोरखौ दैमा थालायाव गारहरनाय जादौं। कर्टआ बुडोदि, खर'खायै गोरान बोथोरनि समाव देया जेबो हेंथा गैयालासे बोहेनायनि सुबिधा खालामनो थाखाय इमारजेन्सि रहा खालामनागौं। कनस्ट्रुक्सननि



मुवाफोरखौ दैमायाव जमा जानानै थायानयखौ होबथानयनि थाखाय इमारजेन्सि खुंथायारि बिथोन होनो सरकारनो कर्टआ बिथोन होयो। लोकोसेनो दैमा सेरआव लुनाय हाबाफारिआव नेमखान्थिखौ गोहोम गोनां खालामनो, दैमानिफ्राय रैखाथि गोनां जान्थायखौ रोखा खालामनो आरो कनस्ट्रुक्सननि बिबांखौ रावनिबो फारसे हान्जानिल 'नडे' आरो रोखायै गनायथि होनो बुडो। बे केसनि उननि हियारिआ 24 मार्चआव जागोन।

ट्राम्पनि खान्थिफोरजौं भारतनि आइटि सेक्टरआ मुलाम्फा जागोन: रिशाद प्रेमजि



बेंगलुरु, 20 नभेम्बर: ट्राम्पआ आमेरिकायाव नैथि खेब हदतगिरि सायख 'जानानै जारिफिन सोरजियो। भारतनि देरसिन रंखाथिगिरिफोरनि बुनाय बायदिल्ला, ट्राम्पआ भारतनि थाखाय गोखौं मदतगिरि फोरमान जागोन। बिबिदो भिप्रनि मावफारिया आफादगिरि रिशाद प्रेमजिआ मंगलबारआव बेंगलुरुआव खुंनाय मोनसे हाबाफारियाव बुडोदि, आमेरिकायाव ट्राम्पआ हदतगिरि जानायजौं प्र-बिजनेस आरो प्र-ग्रथ, टेक्नीकी सिबिथाय उद्यगनि थाखाय मोजौं जागोन। रिशाद प्रेमजिआ बुडोदि, भारतयारि कम्पानिफोर आरो इन्भेस्टार हदतफोरनि 254 आरव डलारनि आइटि सिबिथाय उद्यगआव बिथानि खान्थिफोरनि गोहोमखौ नायसनायनि थाखाय ह्वाइट हाउसआव डनलड ट्राम्पनि फैफिनयारिखौ गोखौं नोजोर लाखिमो। सिगां फारसे प्रेमजिआ बुडोदि, ट्राम्पनि हदतगिरि जानाय समाव खम खाजोना आरो नेम-खान्थिफोरनि सायाव सावरायनो हागौ आरो फालांगिनि थाखाय आरो ग्राहकआ माबोरै खरसा खालामगोन बेनि थाखाय मोजौं इसार। जाथावना कर्पेट टेक्सनि हारआ खरसायाव आरो गोरलै फालांगिनि खान्थिफोरनि फारसे इसार होना नै बिथाडा बुडोदि, सरकारआ गोबां फालांगियारि मदत होगिरि आरो जौगाखां हेफाजाबगिरिबो, जाय जौं गासिबो ग्राहकफोरखौ मदत खालामो। लोकोसेनो जाय भारत आरो मुलुगनाडै सेयारिफोरखौ मदत खालामो। बेनि अनगायै प्रेमजिआ बुंवावोदि, आइटि कम्पानिफोर रंखाथि सोलायनाय एवा बांनयनि नारसिन्थायफोरनि बागै सांग्रां जाना थानागौं, जरखायै टेरिफिन सोमोन्दोआव आरो इमाइग्रेसन खान्थिफोरनि माबोरै जौगाखां होजायो। केयारएज रेटिसनि मोनसे नदआव बुंनय जादौंदि, आउटसासिआव गोखौं आमेरिकानि खान्थिफोर आरो एच-1 बि वार्क भिजाखौ होबथानायजौं भारतनि आइटि सेक्टरव गोहोम गोखौं हागौं, जाय आमेरिकानि बाजारनि सायाव गोबां सोनारो।

फ्रान्सआ इडुकेननो गोहो गोर मिराज-2000 फाइटर हरगासिनो दड

पेरिस, 20 नभेम्बर: आमेरिकानि उनाव आधिखालाव फ्रान्सआबो इडुकेननि अखामा सान्थिखौ गोखौं खालामनो थाखाय एखनाव फेयो। फ्रान्सआ फोसावनाय बायदिल्ला, बिबोर इडुकेननो मिराज 2000-5 एफ उरां जाहाजफोर हरगासिनो दड। फ्रान्सनि गोदानै बांनयजानाय मिराज हरनाय थांखिखौ इडुकेन



दावहायाव गिदरि थांखि महरै गनायना लानाय जादौं। बेनि जाहोना बेनोदि, बेयो दासिमबो फ्रान्सनि अखामा सान्थिफोरनाव दड आरो जागायजेनायाव वेखौ 2029 सिम बानायनो थांखि लादौंमोन। फ्रान्सनि हदतगिरिआ 2024 नि जुन दानाव बे उरां जाहाजफोरखौ हरनो फोसावदौंमोन। बे उरां जाहाजखौ आधिखालाव आपग्रेड खालामगसिनो दड आरो बेयाव बारनिफ्राय हायाव गागलोबनो थाखाय माखासे रोखोमनि गोदान मुगानि हाथियार लागायदौं। बेनि गेजेरजौं फेगौं 2025 नि गिबि 6 दानाव मिराज उरां जाहाजआ इडुकेनआव सौहेहोना हागौं होना गनायना लानाय जादौं। फ्रान्सनि वे फोसावनायजौं भारतनि थाखाय गिदरि खाबु जादौं, जाय मिराज उरां जाहाजफोरखौ गोबां बोसोरनिफ्रायनो बाहायबोगासिनो दड। अदेबानि फ्रान्सनियाव गासै गं 20 गोजाम मिराज 2000-5 एफ फाइटर जेट दड, जायफोरनि गेजेराव गं 6 खौल' इडुकेननो हदौं। बेनि आद्रा थानाय गं 14 मिराज उरां जाहाजआ भारतनि

अखामा सान्थिनि गोहोखौ बांहोना हागौं। भारतआ लान्थियै गावसोरनि खम जालानाय उरां जाहाजफोरनि हिराजखौ गोखौं खालामनो थाखाय मिराजनि अनजिमा बांहोनायनि सायाव सावरायगासिनो दड। भारतआ माखासे जौथायनिफ्रायनो बे मिराज उरां जाहाजफोरखौ बिरोगासिनो दड आरो बेनि टैक्निकल गोहोनि गनाय दिनेबो फोथायो। बेनि सिगां भारतआ क्वाटरनिफ्राय गं 12 मिगज उरां जाहाज बायनो थाखाय सावरायगासिनो दड होना रिपट फेदौंमोन।

इउपि-पान्जाबजौं लोकोसे सा भारतआव रोजा खुवानि सांग्रांथि फोसावदौं

गोदान दिल्ली, 20 नभेम्बर: सा-सोनाब फारसेनिफ्राय फेनाय बारआ गोखौं महर लादौं, जायजौं खुवाआव बांनय थासारि सोमजिदौं। आधिखालाव दिल्लीनि खाथि-खालायाव सोमजिनय खुवाआ सोनाब उत्तर प्रदेशनि फारसे आवगायदौं। फेगौं साननै-सानथामआव बेयो बांवावनो हागौं आरो सान्जा उत्तर प्रदेशखौबो सागलोबनो हागौं। बेनि गेजेरजौं दिल्लीयाव साननैनिफ्राय



गोसारनाय स्मगनिफ्राय सुबुफोरा एसे रेहाय मोनो। बोथोर बिफानआ 20 आरो 23 नभेम्बरसिमआव पान्जाब-हारियाणाजौं लोकोसे उत्तर प्रदेशआव रोजा खुवानि सांग्रांथि होदौं। बिहार-झारखान्डआव जोमैजौं लोकोसे खुवाबो सागलोबनो हागौं। सा भारतनि गिदरि ओसोलआव खहनि जाहोनाव सान आरो हरनि बिदुडव फारागथिआ बाडाइ जागोन। बेयाव सान्दुइ लोखां जानानै गुसुआ लासे-लासे बायगोन। आधिखालाव सान्जा बाहगो आसाम, खोला तामिलनाडु आरो सा-सोनाब सेन्ट्रल पाकिस्ताननि सायाव साइबलनिक सार्कुलेसन सोमजियो। सोनाब लैथो सायाव 23 नभेम्बरनिफ्राय गहाय नारसिन्थाय सोमजिनो हागौं। बेयो हदरनि इन्टेरिम बाहागोनि बोथोरआव गोहोम खोखैगोन। फारनैथिजायनिफ्राय फेनाय बारआ सौग्रावलायगोन आरो आबहावायाव सिदोमानि बिबाड बांगोन, जायजौं माखासे ओसोलफोरव अखा हानो हागौं। बेजौं रोजा खुवानि गोहोमआ बांलांनो हागौं। बेनि गेजेरजौं बिफानआ पान्जाब, हरियानानिफ्राय लानानै उत्तर प्रदेश आरो बिहार-झारखान्डसिमआव फेगौं माखासे सानफोरव खुवा खुवानि सांग्रांथि फोसावदौं।

भन्दे भारत एक्सप्रेसआ काश्मीरखौ शौंजोडै दिल्लीजौं सरजाबगोन

गोदान दिल्ली, 20 नभेम्बर: गहाइ मन्थि नरेन्द्र मदिआ जानुवारी दानाव उधमपुर-श्रीनगर-बारामुला रेल लिंक (इउएसबिआरएल) आव काश्मीरखौ गोदान दिल्लीजौं सरजाबग्रा भन्दे भारत ट्रेनखौ बेखेवगोन, बेनि खोरखौ रेल रइज्यो मन्थि रभनि सिंआ थानाय मंगलबारखालि होयो। भन्दे भारत एक्सप्रेस ट्रेनआ 2025 नि जानुवारीनिफ्राय माहारियारि राजथावनिखौ काश्मीरजौं सरजाबगोन। बे ट्रेनआ मुलुगनि जौसिन रेलवे दालां चिनाव रेल ब्रिजजौं खारलांगोन। रेलवेआ इउएसबिआरएल बिथांखिनि 272 किल 'मिटरनि गेजेराव 255 नि खामानिखौ आवुं खालामबाय आरो कटरा आरो रियासिनि गेजेराव 17 किल 'मिटरनि गेजेराव मोनसे फिसा बाहागोयाबो दिसेम्बरसिमआव आवुं जानागौं। रभनि सिंहआ बुनाय बायदिल्ला, बेखौ जानुवारी दानाव बेखेवनाय जागोन। रेलवे



बिबानगिरिफोरनि बायदिल्ला, बे बिथांखिया बे बोसोरनि दिसेम्बरसिमआव आवुं जानो हागौं। बेयाव नायबिजिनयारि हाबाफारियाबो सोलागासिनो दड। बे बिथांखियाव गोबां खस्ट खालामनादौं। कटडानिफ्राय श्रीनगरसिमनि रेल कानेक्टिभिटिआ जानाय लोको-लोको बे लामायाव भन्दे भारत एक्सप्रेसखौबो सालायनो थांखि लादौं। चेन्नाइनि रेल कच फेक्ट्रीयाव थियारि खालामनाय भन्दे भारतआ हदतनि गुबुन-

No. ACE-38/KOK(R)/FBI/PI-11/2023-24/31 Dated Kokrajhar, the 20th Nov./2024.
Tender No. 35 of 2024-25
PRESS NOTICE INVITING TENDER
The Addl. Chief Engineer-cum-Director, PWD, BTC, Kokrajhar on behalf of the Governor of Assam invites bids from approved and eligible contractors registered under APWD (Roads)/ BTC for the work "Improvement of road from Jaraguri H.S. School in KI of 2022-23 under State Own Priority Development (SOPD) for the year 2024-25" for a total amount of Rs.99,99,735.00 (Rupees ninety-nine lakh ninety-nine thousand seven hundred thirty-five) only (Approx.).
Details may be seen at the website www.assamtenders.gov.in and also in the office of the undersigned during office hours.
N.B.: Rate quoted will be evaluated as per BTC, Govt. Notification vide No.BTC/PWD(R)-11/2009/Pt.II/139, Dated Kokrajhar the 22/02/2023.
Sd/-
Addl. Chief Engineer-cum Director,
PWD, BTC, Kokrajhar
IPR(BTC)/C/2024-25/902

No. KDB-415/2023-2024/ Dated Gurfela the 19th Nov., 2024
NOTICE INVITING TENDER
Sealed tender affixing a non-refundable court fee stamp of Rs.8.25 (Rupees Eight and twenty five rupees) only with a validity period of 180 days, which will subsequently to be converted and drawn up in the printed of F-2 form are invited from the registered contractor Class-I (A, B, C) & Class-II Categories Assam P&RD and BTC, according to their eligibility for submitting tenders for the works under 15th FC fund for the year 2024-25 as stated below. The tender will be received by the undersigned upto 2.00 PM of 10/12/2024 and will be opened on the same date & place at 3.00 PM.

Sl. No.	Name of Work	Location	A.A. Amount (Rs. In lakh)	Cost of bid document	Amount of bid security	Time of completion
1	Const. of Community Toilet at Sorabil Bazar	Sorabil	Rs. 10,47,960.00 L	0.03%	SC/ST= 1% OTH = 2%	3 months

Details N.I.T may be seen in all working days during office hours in the office of the undersigned. Tender will be issued to the contractors of their authorized agent from 20/11/2024 to 10/12/2024 in the office of the undersigned on payment in the form of demand draft/banker's cheque from any Nationalized bank, duly pledged in favour of the BDO, Kachugaon Dev. Block, Gurfela.
Sd/-
Block Development Officer,
Kachugaon Development Block, Gurfela
IPR(BTC)/C/2024-25/908

No. GDB/BTC/SOPD/261/2019-20/928 Date: 05/11/2024
SHORT NOTICE INVITING TENDER
Sealed tender affixing a non refundable court fee stamp of 8.25 (Rupees Eight & paise twenty five) only with a validity period of 180days which will subsequently to be converted and drawn up in the printed of APWD, F-2 Form from the Govt. registered contractor/Farm of Class III and above category of Assam PWD Department and BTC. According to their eligibility for submitting tenders for the following works under AWC Schemes as stated below. The tender will be received by the undersigned up to 2.00 PM on 29/11/2024 and will be opened on the same date & Place at 2.30PM . Payment of non refundable, the tender form's cost is Rs. 500.00(Rupees Five hundred) only and non refundable 0.03% only in cash for each act of tender paper Demand Draft to be drawn in favour of the Principal Secretary, BTC, Kokrajhar payable at Kokrajhar.

Period of Collection	To be obtained from the office of the BDO Gobardhana Dev. Block on any working days /hours upto 5.00PM from 25/11/2024 to 29/11/2024
Tender date and time of Opening	29/11/2024

Sl. No.	Name of Scheme	A. A. Amount (Rs.)	Tender Value of work(Rs.)	Time of Completion of Work	Earnest Money(1%) for ST/SC and 2% for Gen /Farm and
1	Repairing of 12Nos. AWC Under Women & Child Development Department under SOPD fund under Gobardhana Dev. Block, BTC for the year 2024-25	Rs. 18,00,000.00	Rs. 18,00,000.00	180days	(1%) Rs. 18000/- (2%)Rs.36000/-

The tender /tenders must be submitted with the requisite Earnest Money Deposit(EMD) in the form of deposit at Fixed Deposit /Demand Draft to be drawn in favour of the BDO, Gobardhana Dev. Block payable at Barpeta Road .Tender not accompanied by the Earnest Money Deposit (EMD) is liable to be rejected .
Sealed tender in the prescribed tender form shall be addressed to the Block Development Officer Cum Chairman , Tender Committee, Gobardhana Dev. Block , Barpeta Road , Dist.-Baksa, P.S.- Barpeta Road, Pin-781315, Assam . Tenders received after above date & time will not be accepted . The undersigned reserve the right to issue the tender papers to the tenderers and to accept or reject /cancel any or all the tenders if the situation compel to do so without assigning any reason thereof and DOES NOT BIND HIMSELF TO ACCEPT THE LOWEST QUOTED RATE OF TENDER.
UNSEALED TENDER WILL SUMMARILY BE REJECTED.
Sd/- Block Dev. Officer cum Chairman
Tender Committee Gobardhana Dev. Block, Barpeta Road
IPR(BTC)/C/2024-25/905

No. UDB/Tender /01/2022-23/ Date: 20/11/2024
SHORT NOTICE INVITING TENDER
Sealed tender affixing a non-refundable Court fee stamp of Rs. 8.25 (Rupees eight & twenty five paise) only with a validity period of 180 Days which will subsequently to be converted and drawn up in the printed of F- 2 form are invited from the registered contractors of Class-II and Class-I (A,B, & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR for the year 2023-24 & other financial years as stated below. The tenders will be received by the undersigned up to 12.00 Noon on 16/12/2024 and will be opened on the same date & place at 2.00 PM.

Sl. No.	Name of work	Tender Amount (In Rs.)	Cost of Tender Paper	Time of Completion of Work
1	Const of community toilet at Kundarbil CNI Church under 15ASFC	11,00,000.00	Rs.500.00	3(three) months from the issue of Formal Work Order
2	Construction of Community toilet at Paharpur Kali Mandir under 15ASFC	10,47,960.00	Rs.500.00	3(three) months from the issue of Formal Work Order
3	Construction of community toilet at St' Teresa Catholic Church under 15 ASFC	10,47,960.00	Rs.500.00	3(three) months from the issue of Formal Work Order

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 21/11/2024 to 16/12/2024 in the office of the undersigned on payment.
Sd/- Block Development Officer
Udalguri Development Block
IPR(BTC)/C/2024-25/906

सुंद' सल'

— अमर उजिर

सरासनस्यै आजिखालि हाबाफोराव अखानायै सो हाबाथिलियाव मानसिनि बिहिर जायो। अब्लाबो एसेआवने साफा सानै फेहंवाय। खामानियाव दायथ' थानायफोरा गाव गावनि खामानियाव बेसथ' जानाँ फेबाय। हाँवा गोदान महरे अलकआबो आखायाव गय बाथा लानानै थुबुर जानाय आलासिफोरजों लोगोसे फंफ्रा फंने बाथ्रा रायज्जालयानाँ गिदिदों। हाबा थिलियाव मानसि फजनायनि दायथखौं लादों अलक बिबथैनि फिसाज्जाल मिलनआ। बिदा फंवायब्लाबो बिसोर सानैबो जेन गुबुनसो। सासेनि हाथायाव ओंखाम गरसे नांब्लाबो सासेया हमदांनो हायोमोन। बिद्विनोमोन बिसोरनि सोमोन्दोआ। नाथाय अलकनि हाबायाव मिलनआ जेसेबां रंजानांगोमोन एसेबां रंजानो हायाखिसै। माबा मोनसे बिन गोसोआव दुखु बेरखादों।

हरखाबै मिलनआ नुबाय आखायाव मोनसे फिसा बेग लानानै सासे सिख्ला हाबा थिलिजों हाबबोनाय। गानायाव गांसे गोमो दावदै दखना, जोमग्रा गोजा, थाबायनाया गोसो गिलिर, सिनायनाय-सिनायनाय बायदि मोन्दोब्लाबो सोर बैयो, बियो गोजानिफ्राय सिनायनो हायैयाव सिगांलांबाय सिख्लानि फारसे। मिलनआ खाथिआव मोनब्ला सिख्लायायो सिगां रायदावगोबाय-

:मात्रे दं मिलन ? आदा अलकनि हाबाया दिवैने नडा होनलाय ?

मिलनआ सोमोनांबाय। बियो माथो बिबारिसोलाय। नाथाय अलकआनोथ बिसोरनो हाबानि खौरां हरखै होनानै बुंदोंमोन। नाथाय....। एसे गुरै जानानै बियो फिनबाय-

: नंगो, नाथाय नों.....। थदबाय मिलनआ।

: जाथावयै बायदि मोन्दो नडना मिलन ? बाथ्राखौं बुंनानैने एसे मिनस्लुबाय बिबारिया। नाथाय वे मिननायनि सोदोबथिखौं बुजियाय मिलनआ। आरो जेबो बुजबालानो बियो फे बिबारि होनानै लिंलांबाय बिबारिखौं। मिलनजों उन उन थांफाबाय बिबारिया। हाबा थिलियाव हाबनानै बेवहायनो जिरायनोसे होनानै सारि सारि साजयानाँ दोन्याय मासि गंसेयाव जिरायबाय बिबारिया। बिबारि जिरायब्ला मिलनआ आदा अलकखौं थिनहरनोसे होनानै सिडव हाबलांबाय।

बिबारि ब्रह्मआ गोजौं थाखोनि

सुसान्ट ब्रह्मनि फिसाजो सासेल'। सामेसरआ बिबारिनि बिदा। बै सामेसरनिनो लोगोमोन अलक नाजोरिया। लोगो हिसाबै मोनैबो

नखरनि गेजेराव थालांयनाय फैलायनाय दडमोन आरो बे थालाय फैलायनो अलक आरो बिबारिखौं खाथियाव लोगो मोनलाय होदोंमोन। अन्याय-मोजां मोन्यायखौं मिथिनो रोडे बिबारिया अलकनि अन्यायव बोनथेजादोंमोन। सानैबो सानैजों मोजां मोनलायदोंमोन गोथौयै।

सिरियेनो बिसिनि मोजां मोनलायनाया माखासे बोसोर बारलांबाय। नाथाय बिसिनि थार मोजां मोनलायनायनि गनारथि मोनैनि सिगांनो जुरिजेनबाय बारहुंखाया। बे बारहुंखाजों बिसोरनि मोजां मोनलायनायनि सनानि न'आ बायनो नागिरबाय। बिबारि बिफाया बिसोरनि मोजां मोनलायनायनि सोमोन्दै मिथिनानै गोखों रावजों सोंखारिबाय अलकखौं, आरो नैथि खेब जाहाथे अलकजों रायलाय बावनाय नुबा बिन खालामनो हायाखिसै। दुखु आरो जारलाजों बायप्लेबाय बिबारिया। अलकनि अनगायै बिबारिहा सोदोबथि गैया। थेवब्लाबो बियो बिफानि अब्बाथ जानो गोत्राब। बिनखानयो अलकनि अन्यायखौं गोबानानैने बियो बिफानि खोथा मानिनानै अलकखौं लिंहरनायो बन्द खालामबाय। नाथाय बिन थाखाय बिहा बेसेदि खस्थ जादों बेखौं गुबुना मिथिया। जायखौंनारिखि अलकआबो बुजिआखिसै। अलकआबो बिबारिनि बिबिद सिरिये थानायखौं गोरलैयै लानो हायाखिसै। थांनायखौं खमायबाय। फारसेथिडे बिबारिया गोबाव सम अलकखौं फैनाय नुयैनि सानसे प्रोदयै बियो अलक मोन्याव थांबाय आरो बि थाडेनि जबाब बिबाय। अलकआ बुंबाय- बिबारि गोजौं थाखोनि हिनजाव जानानै मानो गाहाय थाखोनि हाँवा सासे नोंसिनि न'आव थाडेनि जबाब नागिरदों ? मा मुलाम्फा जानो नोंहा। थदो बिबारि, आंजों खोथा रायलायब्ला नोंनि एबा नोंनि बिफानि बंसनि मानआ फिसा जागोन। बिनखानयो बिफानि खोथा मानिनानै सोरबा गोजौं थाखोनि सेंग्राजों लोगोसे संसार जानायनि खोथा सिन्था खालामदो।

: आदा अलक, एफाबां सम नों आंखौं बुजिनो हायाखिसै। फोथायनो हायाखिसै। नोंखौं लिंहराबालानो आंखि गोजोन्नाव थानो हादां आदा। लिंहराबालानो थादोब्लाबो नोंखौं खेबसे नुब्लानो आं जोबोर गोजोन मोनो आदा। गाबनो हमबाय बिबारिया। : दगाब बिबारि, आसलथे आं नोंनि सिरि थानायाव गोबां दुखु मोन्दों बिबारि। बुं बिबारि नों अरायबो आनि जानानैने थागोना ?- सोंबाय अलकआ। : आदा गोसोआव लाखि नैबे बिबारिया खालिबोल नोंनि।

जाफुडेनि हां बोनाय

बिबारिया। नागिरनोबो बाद होलादों बिदा आरो बिफाखौं। मा सोमोनांथाव हे बिबारिया। गोसो सायरापयै गिदिंफन्दोंमोन अलकआ। दान मोनैनेओनो बारलांबाय। हरखाबै गांसे लाइजाम मोन्दोंमोन अलकआ बिबारिनिफ्राय। नाथाय जेबो जायगानि मुं थं रायखोनाय गैया लायजामाव। खालिबोल फोरमाय हरदों बियो गंसे फरायसालियाव फोरोंगिरि साखि मोनबाय होनानै। थं गैयै लायजाम मोनानै अलकआ जोबोर रागा जोंबाय। लायजाम हरबाय नाथाय थं गैया। राहा गैयैनि बियो जोबनायाव बेवसायाव गोसो होबाय।

गोबाव सम बारलांबाय। दिनि उनाव दान, दानि उनाव बोसोरथाम बारलांबाय। बिबारिनिफ्राय आरो जेबो खौरां मोनारिखिसै अलकआ। सामेसरनिफ्रायबो जेबो खौरां नागिरनानै मोनारिखिसै, बिसोरनो जानो हागो बिखौं नागिराखे। फारसेथिडे अलकमोनहा न'आव हाबा खालामनो नारसिन्दों। मा खालामनो बियो। बिबारिनि अनगायै गुबुनखौं गावनि खालामनायनि बाथ्रा माब्लाबाबो सिन्था खालामाखै अलकआ। नाथाय बिबारिखौं दा बवेयाव नागिरनानै मोनो बियो।

जोबनायाव बिमानि खवलायनाय एंगारनो हायैनि हाबा जानो राजि जाबाय। मा सोमोनांथाव, अलकनि हाबायाव बिबारिया नुजाथिफेबाय। अलकआ नसिनिफ्राय ओंखारबोबाय। अलकखौं नुनानै गोमोनाय बायदि मोखाडव नायगोमोबाय बिबारिया। बिबारिखौं खाथियाव मोनानै सोमोनांनानै थादवाव अलकआ।

: मा जाखो आदा ? सोमो नादों नडना ? हाँवा गोदान महराव नाथाय नोंखौं जोबोर समायना नुदों। बेगनिफ्राय मोनसे फिसा पेकेट दिहुनानै बिबारिया अलकनो होबाय आरो बुंबाय-

: लादो आदा, नोंनि गोथार सानाव आनि फिसा आसिरबाद।

: बिबारि नों थारनो सोमोनांथाव। बहा थाखोमानानै थायामोन एफा गोबाव। थंखोथ अन्थ'थ खिन्थाहरनांगोमोन।

: खिन्थाहरनो हागोमोन। नाथाय गोसोआव सानानै थानाय थनि मुल्य जाय होनो हायाखिसै, बियो लेखा बिलायाव लिरनानै

हरनाय थनि मुल्यखौं मा होनो आदा। : आंखौं आरो लाजि दाफोनांसे बिबारि। : लाजि फोनाडाखे, थार बाथ्राखोसो बुंदों। आं थानोसे। : जेबो जायबालानो थानोसे नामा ? दिने थालादो। : दिने थानो हाया, बेनो थोजासे आनि थाखाय। आंथ लिंहरजानाय आलासि नडा। बाथ्राखौं बुंनानै सिखाबबाय बिबारिया। : आं थानोसे आदा, गोसोखौं माब्लाबा। थांफिन्दोंमोन बिबारिया। बिबारि थानारथि ग'ले' नायगोमोहरदोंमोन अलकआ। हाबानि अखानायै हिनजाव गोदान नायफेग्रा मानसिजों न'आ बुंफनबाय। अलकआ ओरनो थानो बानानै खौरां बिलायखौंनो नायनोसे होनानै खौरां बिलायखौं नागिरबाय। सिडव मोनैनि बायह्याव ओंखारबोनाय अलकआ नुबाय हायावनो गोपलैनानै दं खौरां बिलायआ। दावराव दावसियाव खौरां बिलायखौं खनखौंनो रावहाबो समआनो गैया। सिगांलानानै बियो खनखांबाय खौरां बिलायखौं। सा-साज्र हेद लाएनखौं नायनानै बियो नुबाय, "सिख्लानि सानस'हायै थैनाय" मोनसे फिसा खौरांखौं। फरायबाय बियो, दिने मोनानि खमैब्लाबो 7 बाजियाव खरायै खारनाय रेलगारिनि सिगाडव बारसोमानानै थैनाय। गोजानाव गोपलैनानै थानाय बेगनिफ्राय सिख्लाना बिबारि ब्रह्म होनानै मिथिनो मोन्याय जादों।

खौरांखौं फरायनानै गोजांभिवबाय अलकआ। गोसोआव फेबाय सानसे सिगां बिबारिनि खुगानि रावआ आरो बियो होलांनया आम्बिबादनि खोथा। हाखु दाखु खौरांखौं गाहरनानै बियो खारलांबाय सिडव, आरो बाकसु खुलिनानै लाबोबाय बिबारिनि आम्बिबादखौं। पेकेट खेवनानै नुबाय मोनसे खाथबनाय थफला जिउनि सुभेस्थानि आरो मोनसे थन्याव लेखा बिलाय। हाखु दाखु लेखाखौं खुलिनानै नायबाय बियो। गांसे लायजाम। फरायबाय बियो- आदा नों जेनबाय। आनि रादायखौं आं लाखिबाय। हाँवा गोदान महराव नोंखौं जोबोर नायनो लुबेनायखौं सुफुनो थाखाय नोंनि हाबायाव नुजाथिहेदोंमोन। गात्रि दामोन। मानोना नोंनि हाबानि खौरांखौं आं मोन्याय नडमोन जुदि नोंनि हिनजाव गोदानां आंजों मावफ्रागनि फिसाजो नडमोनब्ला। जानो हागो आंहा खाफाल मोजांमोन। गोजोनबाय नोंखौं नुनानै। आंहाखि थानानै थानायनि ओंथि दंबावो। बिनखानयो दिनेनो जोबथा सान थि खालामबाय। नोंनिसिम मोजां हास्थायनाय अरायसम थागोन। गोजोन जादो।

एसेनोसै, बिबारि लायजामखौं फरायनानै मेगन मोदै गबाय अलकआ। गोसोआवनो सानबाय जुदि बियो मैयानो पेकेटखौं खुलिनानै नायोमोनब्ला बिखौं थानो हगारनाय नडमोन। थारनो बियो जोबोर गात्रियै जेनबाय। मोनसे गोलाव हां ओंखारबाय बिनफ्राय, जाफुडेनि हां, गोलाव हां।

(3 बिलाइनिफ्राय)

तामुलपुरआव दुलाराइ आसाम फरायसा आफादआ गोखों सोमावसारदों

दास हाय-हाय, आसाम सरकार हाय-हाय, जगायथाय मन्थि रन्जत दासआ बिबन एंगारनांगो, गिबि मन्थि ७ हिमत बिश्व शर्मा हाय-हाय, बिजेपि सरकार ग' बेक बायदि स्ल'गानजों खाजोना बेंखन बिबानगिरि मावखुलिखौं गोमखां होयो। सोमावसारनाय हाबाफारियाव बाहागो लानानै आसुनि रइन्थोयारि मावफुं सोद्रोमा दुलुजित दासआ थाबेनो बेसेन बांनयायखौं होबथानायजों लोगोसे जगायथाय मन्थिआ गावनि फेलें जानायखौं गनायनानै मन्थि मासिनिफ्राय बिबान एंगारनो दाबि दैखाडे। दिनेनि बे सोमावसारनाय हाबाफारियाव तामुलपुर जिल्ला आसुनि गोदानै सायख'जानाय आफादगिरि अनुप कलिता, गाहाइ नेहाथारि नयन कलिता, तामुलपुर दखर आसुनि आफादगिरि अविनाश कलिताजों लोगोसे तामुलपुर, कुमारिकाता, नाग्रिजुलि, द्वाकुरिसि, खोला देफेलि, सान्जा देफेलि, साहा बेतनाजों लोगोसे गरेस्वर दखर फरायसा आफादनि गोबां बिबानगिरि-सोद्रोमाफोरा बाहागो लायो।

सा-सान्जा भारतनि देरसिन फालांगियारि दिन्थिफुंनयनि थामथि खेब हाबाफारि खुंनो ..

कनस्ट्रक्सन आरो दिहुनरा जोन्थोरफोरजों लोगोसे गुबुन गुबुन खोन्दनि प्रफेसनेलफोरनि थाखाय प्रिमियम फिलेट फर्म होनानै मिबथिजादों। गुबुन फारसे रइजो-रजाफोरनि दावबायनाय मुं थिसनो आरो बांसिनथरि मन्थिनो थाखाय www.northeastbuildexpo.com, www.northeastwoodexpo.com, www.connaceexpo.com वेबसाइटखौं नायनो 2024 माइथायनि 22 नभेम्बरनिफ्राय 24 नभेम्बरसिम गुवाहाटीनि सरसजाय स्टेडियमआव खुंनजानो गोनां हाबाफारिखौं बान्जायगिरिफोरा खवलायदों। लोगोसेनो एक्सप्लर, इन्जिनियर, फोसावग्रा आरो 18 बोसोरनि बांसिन साफ्रोमबो बाहागो लाफेग्राफोरनि थाखाय दिन्थिफुंनसालियाव बेसेन नाडलासे हाबनो मोनगोनखौंबो बान्जायगिरिआ खौरां बिजोडाव फोरमायदों। जायखि-जाया सौंथि सौंनयनि थाखाय 8448994986 नम्बरखौंबो फोसावना होदों।

फैगौ 23-24 नभेम्बराव सरुपेटा दालाइ लिरगिरि गौमा आफादनि रुपाथि माइथाय ...

एमएलए फनिधर तालुकदार बेखेवनानै होगोन। साननि 2:00 रिगानिफ्राय सरुपेटा दालाइ लिरगिरि गौमा आफादनि 70 बोसोरनि बांसिन बैसो जानाय सोद्रोमाफोरखौं मान बाउनय हाबाफारि आरो गोदान-गोजाम सोद्रोमाफोरजों सावरायलायनाय हाबाफारि खुंनया जागोन। हाबाफारि बायदियेनो 24 नभेम्बराव साननि 9:30 रिगानिफ्राय बिफां-फुलि गायनाय हाबाफारि खुंनया जागोन। साननि 10:30 रिगानिफ्राय खुंनजानो गोनां गेवलां मेलयाव लिरगिरि-फाहामगिरि डा: शुभ किंकर गस्वामिआ आलासि महरे, गुवाहाटी मुलुसोलोसालिनि बिबुंगिरि ७ बिभा भरालिया थांखिजानाय महरे, बरपेटा जिल्ला लिरगिरि गौमा आफादनि मावफुं आफादगिरि हिन लहकरआ हांखायजानाय आलासि महरे बाहागो लाफेगोन। गेवलां मेलयाव लाइसि आरो बिजाब बेखेवगोन खौरांगिरि-लिरगिरि जानहुबि खाउनआ साननि 2:30 रिगानिफ्राय हारिमुवारि हाबाफारि खुंनया जागोन होना फोरमायदों।

उदालगुरियाव माहारियाव बर' खृष्टान गौथुमा (एनबिसिसि)नि मावफुं मेल खुंदों

मेलखौं एनबिसिसिनि 2020-2024 माइथायनि समगान्थिनि थाखाय बर' गिर्जाफोरनि एपेक्स बडिखौं दैदेनाय, ओंखारलानाय आफादगिरि आरो नेहाथारि फारिये ७ अर्जुन बसुमतारि आरो अयुर्ब नार्जरीआ हांखायदोंमोन। बै सावराय मेलव गौथुमआ इनाश कुमार बसुमतारि आरो मुदुल बागलारीखौं एनबिसिसिनि आफादगिरि आरो गाहाय नेहाथारि महरे 2024-2026/27 माइथायनि समगान्थिनि थाखाय एनबिसिसिनि गोदान बिबानगिरिफोरखौं सायख'यो। बेजों लोगोसे, अंजलाइग्रा मुसाहारी आरो जुआखेम बसुमतारिखौं एनबिसिसिनि बुंथिगिरि महरे सायख'नाय जायो। बोसोनिगिरि महरे साब्रे मख'जाथाव सुबुंफोर फारियै बिशप बाराग' रेभारेन्ड इसियाल बसुमतारि, बिशप बाराग' रेभारेन्ड इसाहक मुसाहारी, रेभारेन्ड सुशिल दैमारी आरो ७ महेश इस्लारी मोनखौं सायख'नाय जायो। ओंखारलानाय आफादगिरि ७ अर्जुन बसुमतारिआ एनबिसिसिनि गेजेरजों बर' गिर्जा आरो गुवार सुबुं समाजखौं सिबिनो थाखाय होनाय फोथायनय आरो खाबुनि थाखाय साबायख'र बाउबो आरो एनबिसिसिनि गोदान आफादनि सायाव इशोरनि बोर बाउबो। गोदान आफादगिरि इनाश कुमार बसुमतारिआ 2024-26/27 माइथायनि फेबराय थानाय समगान्थिनि थाखाय एनबिसिसिनि आफादगिरि महरे सायख'नायनि थाखाय गौथुमनिमिसि साबायख'र बाउबो आरो आफादखौं सिगांथि लानो थाखाय नांगो रोखोमनि थुतुंगा आरो आर'ज गबनायजों बिथांखौं आरो हान्जाखौं मदद खालामनो खावलायो। बेनि उनाव नमिनेसन आफादनि लिंथुमगिरि रेभारेन्ड प्रसेनजित बसुमतारिआ गोदान बडिनि थाखाय बाउनया, आर'ज गबनायखौं दैदेनो, जाहाथे बिथांमोनहा ओन्सोलाव हारि-माहारिनि खौंसेथि, गोजोन आरो जौगानाय लाबनो थाखाय बोर मोनो।

(3 बिलाइनिफ्राय)

सालवारिनि उदालगुरिआव गिखंथाव लामानि जाब्रबथायाव..

हाथिगिरिफोरखौं सौख्लाडो। थांनाय हरनि 10 रिगायाव काताझार-काहितामा लामायाव उदालगुरि-मडनामाताआव एएस 01 डिएस 0611 नम्बरनि गोबाँरे खारबोनाय बलेर' गारिया एएस 26 इ 6482 नम्बरनि साथमा सुबुं गाखोनाय गंसे मटर साइकेल सौखंफैयो। गुबुन फारसैथि, बलेर' गारिनि सौखंफैनायाव मटर साइकेलआ लामाजों थाबायलानाय सानै सुबुंनो गोरलैसिन हैनायनि जाउनव सानै सुबुंफोरा जोखोम जायो। लोगोसे मटर साइकेलखौं सौखंफैनाँने बलेर' गारिया लामा खाथियाव थानाय मोब्लिव खुन्थियायाव सौरावहैयो। बे जाथायाव बलेर' गारिजों लोगोसे मटर साइकेलआ गेग्रेबनायनि अनगायैबो मटर साइकेलआव गाखोबोनाय साथमा सुबुं आरो लामाजों थाबायलानाय सानै सुबुंफोरा गोत्राबै जोखोम जायो। मटर साइकेलआव गाखोबोनाय इब्राहिम आलि, कासेमआलि, नाजमुल आलि आरो लामाजों थाबायलानाय बिफा-फिसाज्जाल कुमुद दर्जि, दामबर दर्जिआ गोत्राबै जोखोम जायो। जाथायाव जोखोम जानाय सुबुंफोरखौं देहा फाहामसालियाव थिसनहैनाय जायो। गुबुन फारसैथि, जाब्रबथाय खालामनानै बलेर' गारिनि सालायगिरिजों गुबुन गाखोग्राफोरा जाथायथिलिनिफ्राय खारखुमा लाडे होनानै मिथिनो मोन्याय जादों। उदालगुरियाव खुंनया रस फोबोनि नायनानै गिदिबोफिन्नाय समाव बे जाथाया सोमजिदों होनानै जोखोम जानाय सुबुंफोरा मिथिहोदों।

उदालगुरियाव रेनब-फ्रि स्कुल मुंनि सोलांथाय फसंथान..

बैसोनिफ्राय उन्दै-उन्दै फरायसाफोरा रेनब-फ्रि स्कुलयाव मुं थिसनानै सोलांथाय लानो हागोन। मुंदांखा समाज सिबियारि डिजेन बायनआ फिथा हासनानै फरायसालिखौं बेखेवनाय होदों। हाबाफारियाव बिबान मोन्याय फोरोंगिरि बिना बर्मन आरो हिमारनि बर्मनमोनहा बाहागो लादों। जिल्लानि गुबुन गुबुन जौगाखानाय खामानियाव लोब्बा थानाय गुबुन सासे समाज सिबियारि मन्चु तालुकदारबो फरायसालि बेखेवनाय हाबाफारियाव बाहागो लाफेदों। गथ'साफोरखौं फरायसालियाव थानायनि सिगाडव बायदि बिथिडव सिगांगो साखा-फाराजों लोगोसे रेंगोंथि होनायनि थाखाय बे रेनब-फ्रि स्कुलखौं गायसनाय जादों होनानै फोरमायदों। उन्दै-उन्दै फरायसाफोरनि थाखाय मंगलबारखालिनिफ्राय मुं थिसनानयनि हाबाफारि जागायनायखौंबो फोसावना होदों। सुलुडव फोरमायनाय बायदियै रेनब-फ्रि स्कुलयाव देंखो, मोसानायनिबो फोरोंथाय होनाय जागोन। फरायसालियाव फोरोंगिरि महरे करिना दास, कबिता दास, सरश्वति बर्मन आरो सबिता दासमोनहा फोरोंथाय होगोन। मोसानाय-देंखोनि सोलांथायखौं जुसमिता दासआ फोरोंथाय होगोन। रेनब-फ्रि स्कुलनि मुं थिसनानयनि थाखाय 9101681624, 6000658477 आरो 9531416004 नम्बराव सुलाद लानो फरायसालि बिफानआ खवलायहरदों।

कक्राझारआव सासे लाइमोन आबादरिआ आबाद जांखिथाय..

डिमान्दा आ सानफा एफा बांदों होना मख'नायजों लोगोसे सरासनसा रइजो-रजाफोरबो बायनो हानाय बायदियै बाडइ बेसेनावनो ड्रेगन फिथाइखौं फानबोदों होनानै आबादारि अरुन कुमार रायआ फोरमायो। ड्रेगन फिथाइ आबादनि जाफुंसारनायनि उनाव दासान्दि जौगा माननि बैथि फिथाइनि आबादखौंबो जागायजेन्दों लाइमोन आबादारिआ। लाइमोन आबादारि अरुन कुमार रायआ लाइमोन सेंग्रा-सिख्लाफोरखौं आबादनि फारसै गोसो गुदुं जानो खवलायहरदो।

(3 बिलाइनिफ्राय)

गुवाहाटीनि सोनाब बरागावयाव लुनाय मुंख्लं गोसोखांथि थावनिखौं गिबि मन्थि ७ हिमन्त..

बाहायनाने बे बिथांखिनि खामानिखौं आबुं खालामनाय जागोन होना मख'नाने बिथाड बुंदोंदि, इयुन समाव बे बिथांखियाव लाइफ एन्ड साउन्ड श्व' आरो मोनसे मेल जथुमसालि न'खौं फोनांजाबनाय जागोन। बे गोसोखांखियाव आसाम सोमावसारनायनि गेदेमा मुंख्लंफोरनि मुसुखा थानायजों लोगोसे मोनसे मेडिटेश्वन हल, आसाम सोमावसारनायनि गोसोखांथिजों सोमोन्दो थानाय साववारि, जायगानि जाग्रा-आदारनि गला बायदिजों लोगोसे गुबुन गुबुन खाबुआ नायगिरिफोरनि थाखाय थागोन होना गिबि मन्थिआ बुजे। बिथाड बुंदोंदि, बे मुंख्लं गोसोखांथिखौं आसाम सोमावसारनायनि गेदेमा मुंख्लंफोरनि गोसोखांथियाव जुथाय सिनायथि नैसन एबा बे गेदेर गोसोखांथिखौं लुनाय जादों। 225 फुट गोजौंथिनि बे गोसोखांथिया मुलुगनि गुबुन गुबुन गोजौं टवारफोरनि फारिलाइयाव थाफागोन होनानै बिथाड बुंदोंदि। नायगिरिफोर बे गोजौंथिनि गोसोखांथिखौं नायफैनाय समाव डिपर बिलो दैनि समायना नुथायखौं नायनो हागोन होनानैबो बिथाड बुजे। बे गोसोखांथिनि आद्रा थानाय 10 जौखोन्दो खामानिखौं फेगौ मुंख्लं सान एबा 10 डिसेम्बरनि सिगाडवनो आबुं जायोब्ला मुंख्लं सानखालिनो एबा 2025 माइथायनि गिबि बाहागोयाव रइजो-रजाफोरनि थाखाय बेखेवनाय जागोन होनानैबो गिबि मन्थिआ बुजे। बेनि उनावनो गिबि मन्थिआ सुबुं लुफुंथाय (नख'र) बिफान आरो आसाम रादाय मावफुंग्रा बिफाननि गागि बिबानगिरिफोरजों मोनसे जथुम खुंनानै बिथांखिखौं लुनायनि सोमोन्दै गुबुन गुबुन बिथिफोरखौं बिजिरनायजों लोगोसे नांगोबायदि बिथोनमा होयो। दिनेनि बे नायसंनया समाव आसाम रादाय मावफुंनया बायदि बिफाननि मन्थि अटुल बरानि अनगायै आसाम रादाय मावफुंनया बिफाननि नेहाथारि नीर दाउलागुफुंजों लोगोसे सुबुं लुफुंथाय (नख'र) बिफाननि जर'खा कमिसनार सेक्रेटारि राज चक्रबर्ती, कामरुप नोगोरमानि जिल्ला बैगिरि सुमित सत्तावानमोनजों लोगोसे सुबुं लुफुंथाय बिफाननि गागि बिबानगिरिफोर बाहागो लाफेदों।

आमेरिकानि राजथान्दैनै थान्दै हान्जाय बिटिसिनि गाहाइ मावफुं सोद्रोमाखौं लोको हमफेदों

खोथा होयो। थान्दै हान्जायनि दावबायफेनाय समाव ओन्सोलनि बाहागोदारिफोरजों सावराय जथुम आरो मिनि स्वान मिल आरो बड'लेण्ड रेसम पार्क बायदि मख'जाथाव जायगाफोराव नायगिदिहैयो, जेराव बिसोरो बिटिआरनि जौगाथायनि दावगाथायनि सोमोन्दै नोजोरथिखौं मोनो हायो। बे दावबायफेनाया बिटिसि सरकारनि ओन्सोलनि समान्थायखौं बांहोनाय आरो रंखांथि-समाजारि जौगाथायनि नोजोरथिजों लोब्बा लाखिनानै हारिमायारि बाहागोदारि दाफुंनया बोसोननि सायाव गोनांथि होयो।

गसाइगावआव ग्रिन लिफ फाउन्डेसनआ ...

आरो मोजां फाहामथायनि बिथिहाव सांग्रंथि बांहोनायनि थांथिखों दिने फुनि 10 रिगायाव 1 नं भमरबिल गामिनि इदगार मैदानआव सरकारि नडै फसंथान ग्रिन लिफ फाउन्डेसननि बान्जायनायाव आरो आबाद बिगियान मिरुनि हेफाजाबाव सांग्रंथिथारि मेल खुंनया जायो। ग्रिन लिफ फाउन्डेसननि आफादगिरि मिजानुर रहमानआ दैदेनायाव खुंनया सांग्रंथिथारि मेलव गाहाइ फोरोंगिरि आरो गसाइगाव महकुमा जुनात फिसिनया बिबानगिरि ७ तरनि कान्ता कलिताआ गावनि बिबुंथियाव न'थाव फिसिनया जिब-जुनात जैरै मोसौ-मैसो, बोरमा, हांसो, दाव बायदिनि बिगियानआरि आदबजों फिसिनया आरो जोथोन लानायनि सोमोन्दै गुवारि फोरमायनानै होयो। बिथाड आजीफोरखौं रंखांथियायि महरे गाव गसंथानो हानाय बायदियै बिगियानआरि आदबजों जिब-जुनात फिसिनो खावलायो। बे मेलव जर'खा आलासि महरे तेलिपाराव थानाय कक्राझार आबाद बिगियान मिरुनि जिब-जुनाद बिगियान बिफाननि आयदा रेंग'सार डा: मुजाहूरुल इस्लामआ जिब-जुनात फिसिनयाव फोरोंथायनि गोनांथि आरो बिपावनि सोमोन्दै गुवारि बिबुंथि होयो। गसाइगाव रइज्योआरि जुनात फाहामथायनि फाहामगिरि डा: पंजक चक्रबर्तीआ गावनि बिबुंथियाव जिब-जुनातनि बेराम आरो बेराम होबथानायनि सोमोन्दै फोरमायथिनानै होयो। बे सांग्रंथिथारि मेलव 1 नं भमरबिल, 2 नं भमरबिल आरो 3 नं दावगुरि गामिनि गासै मोन 28 गावसुंथा आफादनि सोद्रोमाफोरनि गेजेराव गसाइगाव महकुमा जुनात फिसिनया आरो जुनात फाहामथाय बिफाननि बान्जायनायाव जिब-जुनातनि बायदि बेरामनि मुलिफोरखौं रनानै होयो बे मेलव 1 नं भमरबिल गामिनि गामि रंखांथि हान्जानि नेहाथारिजों लोगोसे माखासे आलासिफोर बाहागो लायो।


माजबातआव बिपिएफनि गोदानै ...

नेहाथारि, बिबानगिरि, सोद्रोमाफोरा बिपिएफ दोलोनि संबिजिर बायदियै समायखिर लायो। बे हाबाफारियाव बिपिएफनि उदालगुरि जिल्लानि आफादगिरि आरो बाराग' मन्थि रिहन दैमारी, लेडइ आफादगिरि फ्रेस मोसाहारी आरो बिबानगिरिफोरजों लोगोसे बिपिएफनि मोन 14 प्राइमरि आफादनि आफादगिरि, नेहाथारिफोरबो बाहागो लायो। बे हाबाफारिखौं जाफुंसार होनारनि थाखाय बिपिएफनि बाराग' आफादगिरि श्याम चुन्दि आरो पासने सेरफां ब्लक आफादनि गाहाइ नेहाथारि बेनुधर अधिकारिआ बयनिमिसबो गहाम हामबलायथि आरो साबायख'र जासिहरो।

गाहाम देहानि राहा

दाउनि जायखि जाया गाबनि दावदैआव एखे गुनखौनो मोन्नो हायो

दाउनि दावदैआ गुफुर आरो ब्राउन कालारनि जायो आरो मोन्नैखौबो बाजाराव गोल्लैयैनो मोन्नो हायो। बे बायदिआव बबे मोनसेखौ सायख'नो आरो बबे मोनसेआ बांसिन गुन गोनां बेखौ सायख'नायाव गोनों गोथो जायो। दावदैनि गाबा बांसिन दाउनि ब्रिद आरो दाउनि गेजेरजों जोनोम होनाय पिगमेन्टनि सायाव सोनारो। डाइट, जेना आरो आबहावा बायदि गुबुन फेक्टरआवबो दावदैनि गाबआव गोहोम खोखौयो। मोन्नैबो दावदैआव गुन फोरा जेबो रोखोमनि फारागथि थाया। थेवब्लाबो दाउनि डाइट आरो आबहावा फेक्टरआ दावदैनि गुनफोरेखौ गोहोम खोखौयो। गुनफोरेनि बाश्राखौ बुडोब्ला दैसे गिदिर दावदैआव 6.3 ग्राम



प्रटिन, 0.3 ग्राम कार्ब हाइड्रेट आरो 4.7 ग्राम मेजेम थायो। बेनि अनगायै दैसे दावदैआव 6.8 मिलिग्राम आइरन, 0.6 मिलिग्राम जिंक, 15.4 मिलिग्राम सेलेनियाम, 23.5 मिलिग्राम फ्लेट, 147 मिलिग्राम कलिन, 0.4 एमसिजि भिटाभिन बि12 आरो 80 एमसिजि भिटाभिन ए आ थायो। गुफुर आरो ब्राउन कालारनि दावदैनि गेजेराव गोनां गुनफोरा फारागथि दं ना गैया बे बाश्राखौ मोन्थिनो

थाखाय गोबां संदाननाय जादों। जेराव मोन्थिनो मोन्नाय जादोंदि, बे मोन्नैबो दावदैआव जेबो रोखोमनि फारागथि गैया। गोबां सुबुंफोरा मोनसे जरखा गाबनि दावदैआ गुबुन दावदैजों रुजुनायाव हेल्दि आरो स्वाद गोनां जासिनो होन्ना मानियो। नाथाय गासैबो रोखोमनि दावदैआव समान गुन थायो। बे निखायनो मोन्नैबो रोखोमनि दावदैआ देहानि थाखाय हेल्दि □

फावखुंग्रि सुमि बरानि बेलनि आर'जलाइखौ सिबिआइ कर्टआ नेवसिगारदों



आसिमाव सिबिआइनि मोनसे गाहाइ बिजिससालिया खमैबो 2,200 कौटि रंनि अनलाइन स्टक ट्रेडिंगेना खांन्थिआव बाहागो लाफानायनि थाखाय जेलआव दोनजानाय फावखुंग्रि आरो करियग्राफर सुमि बरानि बेलनि आर'जलाइ गथायनायखौ

मंगलबारखालि नेवसिगारदों। हियारिआ माखासे घन्टासिम सोलिलबाय थादों, जायनि गेजेरजों सुमि बरानि उखिलआ मिबथि होयोदि, बिथांआ नायबिजिसनायाव हेफाजाब खालामगासिनो दड। अदेबानि, बिजिरगिरिया बुडोदि, सुमि बरानो बेल होनो हानाय नड

मानोना सिबिआइआ बेनि बेरेखा जादों। गुबुन फारसेथि, बिजिससालिया शुभनन्यति कुर्मि आरो चन्दन नाथजों लोगोसे जाथायनि गाहाय दायनिगिरि बिशाल फुकननि बेलनि आर'जलाइनि सायाव बुधबाखालि हियारि होगोन। कौटि रंनि गेना-खांन्थिआव फारसे नायबिजिसनायनि गेजेरजों बेखौ मिबथिनो मोन्दोंमोनदि, सुमि बरआ बिशाल फुकनखौ इन्भेस्टारफोरजों लोगो हमहोनानै बिसोरखौ हेफाजाब होदोंमोन। गेना-खांन्थिया सोरांआव फैनानयनि उननिफ्रायनो सुमि बरआ आरो बिथांनि फट'ग्राफर फिसाइ तारकिक बरआ ग्रेप्टार खालामजानायनिफ्राय बारगना दडमोन। नाथाय, सानैबो उनाव 12 सेप्टेम्बरखालि आसाम पुलिसनि सिगांआव सारेन्दार जायो। □

एआर रहमानआ गावनि दिभर्सनि टुइट खालाम खांनायनि उनाव ट्रलार्सफोरनि मैहुर जानांदों

बलिउडनि सुपारस्टार दॅखोगिरि एआर रहमानआ मोन 2 अस्कार बान्था, मोन 13 फिल्म फेयारजों लोगोसे गासै 138 निखुइ बांसिन एवाइडखौ गावनि मुं खालामखांबाय। गावनि मेथाइफोर आरो बिजावफोरखौ लानानै खौराडाव थाग्रा दॅखोगिरि आरो कम्पजार एआर रहमानआ गिबि खेब गावनि पार्सनेल लाइभखौ लानानै खौराडाव थादों। बावैसो सिगां एआर रहमानआ गावनि बिंसि सायरा बानुजों 29 बोसोर सोलिननाय जुलिखौ



सिमफायबाय। एआर रहमानआ सशेल मिडि साइट एक्सआव बे खौरांखौ होदों। नाथाय बे

पस्टजों लोगोसेनो एआर रहमानआ ट्रलार्सनि मैहुर जानांदों। बे पस्टआव एआर रहमानआ दिभर्स लानायनि खौरांखौ होनायजों लोगोसे मोनसे हेसटेगबो बोफादों। बे पस्टनि जोबनायाव हेसटेगखौ नुनानै सुबुंफोराबो खुद्रिदों।

सुबुंफोरा एआर रहमानखौ बे खाबुआव टेग बानायनायखौ लानानै टूल खालामदों। बबेखानि एआर रहमानआ मंगलबार मोनानि 12:10 रिंगायाव सशेल मिडिया प्लेटफर्म एक्सआव मोनसे पस्ट शेयार खालामदोंमोन। एआर

रहमानआ बे पस्टआव लिरोदि, जोंहा 30 बोसोरनि दावबायनायखौ आबुं जागोन होन्ना आसा दंमोन। नाथाय आथिखालाव थासारिया एसेबां मोजां नड। गोसो बायगिलनयजों इशोरनि मासिआबो मावनो ह्मो। आंहा बे समाव जोबोद दुखुआव दड। जों नोंथांमोनखौ जॉनि पारसनेलिटि सन्मान होनायनि थाखाय साबायख'र बाउदरो। बेसोर गासिबो सुबुंफोरनिसिमबो साबायखर जायफोर जॉनि गोब्राव समाव जोंजों लोगोसे थाफदोंमोन। बे टुइटनि उनाव एआर रहमानआ हेसंटेगजों लोगोसे पस्ट होनायखौ फोजोबदों। बे हेसंटेगखौ नुनानै ट्रलार्सफोरा खुद्रिखंदों। एआर रहमाननि बे पस्टखौ नुनानै गिबियाव सुबुंफोर बिथांखौ खुसियै थानो थिन्दोंमोन। □

'कालिया मर्दन' सावथुनखौ इफ्फीआव लाइभ दिन्थिफुंगोन



भारतनि 55थि हारिमायारि फिल्म महात्सभआ बे खेबाव जोबोद मोजाडैनो जागोन। बेखौ बोसोरफोमबो गवायाव खुंनुनाय जायो। बे खेबाव इफ्फीआव दादा साहेब फाल्केनि साइलेन्ट सावथुन 'कालिया मर्दन' खौ बे सोलिफु बोसोरनि इफ्फीआव लाइभ आर्केस्ट्रजों लोगोसे दिन्थिफुंगोन। दादा साहेब फाल्केनि फिसौला चन्द्रशेखर पुसालकरआ बेनि सासयाव गावनि गोजोन्नायखौ फोरमायदों। चन्द्रशेखर पुलाकरआ बे सन्माननि थाखाय गावनि गोजोन्नायखौ फोरमायनायजों लोगोसे बुडोदि, आंहा गोजोन्नाय मोन्दों, मानोना बे सावथुनखौ हारिमायारि थाखोआव दिन्थिफुंनो नागिरदों। आं सरकरखौ साबायखर होयो। बेयो दादा साहेबनि साबसिन गोसोआव थाथाव सावथुनफोरनि गेजेराव मोनसे आरो बेयो बयनिखुइबो गोबावसिन सम सोलिदों। सावथुननि गाहाइ बोनो हानाय जोहोनानो जादों बिथांनि 5 बोसोर बैसोनि फिसाजो मन्दाकिनीनि समाइना एक्टिं आरो फाल्केनि गेजेरजों सेबखांजानाय माखासे समाइना ट्रिक फट्याफिमोन। 1919 माइथायाव कालिया मर्दनखौ 'नेशनेल फिल्म आर्काइभ अफ इन्डिया' नि गेजेरजों 35 मिमी डुप्लिकेट नेगेटिभखौ बाहायानां 4 के आव रिस्टर खालामनाय जादों। दादा साहेब फाल्केनि गेजेरजों दिहुन जानाय कालिया मर्दननि भारतीय सिनेमानि जांरिमिनाय मोनसे गाहाइ बिहोमा दादा। भारतीय सिनेमानि बिफा महेर सिनायथि जानाय दादा साहेब फाल्केआ भारतीय माइथ'तजि थुलुंगांखानांनै बे साइलेन्ट सावथुनखौ बानायदों। बे सावथुनाव भगवान कृष्णनि उन्दैनि रमानसि सल'खौ दिन्थिनाय जादों। □

फावखुंगुर डेनियेल क्रेगआ गावनि सावथुनखौ लानानै मोनसे गिदिर इंगित होदों

जेम्स बन्डआ हलिउडनि मोनसे हिट फ्रेन्चाइजि सावथुन। थानाय सावथुनाव डेनियेर क्रेगखौ जेम्स बन्डनि फावआव नुनो मोन्दोंमोन। अदेबानि, सुबुंफोरा गोबाव समनिफ्रायनो फैनो गोनां सावथुनखौ नेनानै दडमोन। आथिखालाव फावखुंगुर डेनियेल क्रेगआ सावथुनखौ लानानै मोनसे गिदिर इंगित होदों। मोनसे सुलुंनि बायदिब्ला, डेनियेल क्रेगआ लस एन्जिल्सनि डिल्ब थियेटरआव 15 थि गभर्न एवाइसआव फैनो गोनां जेम्स बन्ड सावथुननि सायाव माखासे बाश्रा फोरमायदों। फावखुंगुरआ बे सावथुनाव सासे जासुस हिसाबे नुजाथिदोंमोन नाथाय फैनो गोनां सावथुनाव जों बिथांखौ बे फावआव नुनो मोनाबो जानो हागौ। फावखुंगुरआ मिबथि होयोदि, बिथांखौ रिप्लेसबो खालामनो हागौ। बे एवाइस फांक्शनआव बिथांआ जेम्स बन्डनि बिथोनगिरि बरबरा



ब्रकलि आरो माइकेस जि उइल्सनखौ अस्कारजों मान बाउदों। गावनि बिबुंथि होनायनि गेजेरजों, क्रेगआ बे जराखौ बाखनायदों आरो बिथांखौ साबायखर बाउदों। बिथांमोनहा बिखौ कैसिन रयाल, क्वान्टम अफ सलेस, स्काइफल, स्पेक्टर आरो न' टाइम टु डाइजों लोगोसे माखासे बन्ड सावथुनफोराव बिथांखौ 007 नि महराव कास्ट खालामदोंमोन। बेनि गेजेरजों जेम्सआ इंगित होदोंदि, फैनो गोनां जेम्स बन्डआ बे रमआवनो जानो हागौ। बेनि उनाव बयबो मिनिनांनै बिथांनि फारसे नायनो ह्मो अब्ला

बिथांआ बुडोदि, आंखो दानाय। 15 थि बोसोरारि गभर्नर एवाइसआव बिथोनगिरि बरबरा ब्रकलि आरो माइकेल जि उइल्सनखौ इरविं जि थालबर्ग मेम रियेल एवाइसजों मान बाउदों। बेमुंदांखा बाश्रा होनाय हबाफरिखौ बोसोरफोमबो बिथोनगिरिफोरनो सावथुन दिहुनायाव बिथांमोननि आउस्ट्रेटिं पारफर्मन्सनि थाखाय होनाय जायो। मिबथि होनाय जायोदि, जेब्लानिफ्राय डेनियेल ग्रेगआ जेम्स बन्डनिफ्राय ब्लेकलादों, बे समनिफ्रायनो माखासे हलिउडनि फावगिरिफोरनि सोमोन्दै खोनानो मोन्दोंदि, बिथांमोनहा बे फ्रेन्चाइजि खौ आवागयालहोगोन। □

'केबिसि 16' आव निशान्त जयसवालआ थार फिन्नाय होसेयावबो 50 लाख रांखौ देरहानो हायासै

'कौन बनेगा रकोडपति 16' नि लेटेस्ट एपिसडआ रलअभर कन्स्टेन्ट निशान्त जयसवालजों लोगोसे जागायदों। निशान्तआ हस्ट अमिताभ बच्चनजों लोगोसे 50 रोजा रंनि सॉलुजों लोगोसे गेलेनायखौ जागायदों। निशान्तआ लाइफलाइनफोर होनायखौ बाहायनांनै 50 लाख रंनि सॉलुसिम सौहैबाय। बिथाडा बेनि फिन्नायखौबो थारखौनो होदोंमोन, नाथाय बेनि जाउनावबो 50 लाख रांखौ देरहानो हायाखै। निशान्त जयसवालआ जेब्ला 50 रोजा रांखौ देरहादोंमोन अब्ला अमिताभ बच्चनआ बिथांखौ



सौदोंमोनदि, बे रांखौ बिथाडा मा खालामगोन। बेनि सायाव निशान्तआ फिनजाथाय होयोदि, बिथांनि बिफाया जोबोद खम सेलारि मोनो। बिथाडा जेसेबां रां खामायो गासिबो गथ'फोरनि

सौदोंथाय लानायावनो खरसा जायो। बेनिखायनो बिथाडा देरहानाय रांजों बिफाखौ मदत खालामगोन आगो गावनि नख'रनि जिउ खुनायाव गोनांथिनि थाखाय माबा मोनसे

खालामगोन। निशान्त जयसवालआ 25 लाख रंनि लेभेलेखौ बारलादों। बेनि उनाव 50 लाख रंनि सॉलुआ फेयो। बे सॉलुआनो जादों- मोखथां जिउआव गान्धीजोनि

सावगारिफोरखौ सेबखांग्रा फटग्राफोरनि बिफावखौ सोर लादोंमोन? अदेबानि बे सॉलुआ फेनायसिमाव निशान्त जयसवालनि आखायाव जेबो लाइफलाइन गैलामोन। बिथाडा गेमखौ क्विट खालामो। उनाव क्विट खालामनायनि सिगां निशान्तआ 50 लाख रंनि सॉलुनि फिन्नायखौ होदों। बिथाडा अफ्शान (डि) मागरिट बाके-व्हाइडखौ सेलेक्ट खालामदोंमोन आरो बेयो थार फिन्नायमोन। निशान्तआ गेमखौ क्विट खालामबायमोन, बेनिखायनो बिथाडा थार फिन्नाय होसेयावबो 50 लाख रांखौ देरहानो हायाखै आरो 25 लाख रांखौल' मोनो हायो। □

आमा-बुबुआ 'तेलिन फिल्म फेस्टिभेल' आव 'पायर' दिन्थिफुंनायखौ नायदों



'तेलिन ब्लेक नाइट्स फिल्म फेस्टिभेल' आव भिनद कापड्डीनि सावथुन 'पायर'खौ दिन्थिफुंनाय जादों। सावथुननि प्रिमियारखौ पद्म सिंह आरो हिरा देभिआ डायरेक्टर आरो बिथांनि आंगो बिसि साक्षि जशिखौ लोगोसे नायदों। बेनि उनाव भिनद कापड्डीनि बिसिया गावनि


गोजोन्नायखौ फोरमायदों। युरपनि एस्टनिया हादरनि राजथावनि तेलिनआव खुफुंजानाय 'तेलिन ब्लेक नाइट्स फिल्म फेस्टिभेल' आव बे सोलिफु बोसोराव भारतनिफ्राय 'पायर' सावथुनखौ फिल्म गाला केटेगरियाव दिन्थिफुंनाय जादों।

बुधबारखालि हादरतयारि बाश्रा देरहागिरि सावथुननि बिथोनगिरि आरो डायरेक्टर भिनद कापड्डीनि बिसि आरो खौरांगिरि साक्षि जशिआ बेनि सायाव गावनि खुसि जानाय एबा गोजोन्नायखौ फोरमायदों। 'पायर' नि डायरेक्टर भिनद कापड्डीनि बिसि आरो खौरांगिरि साक्षि जशिआ गावनि अफिसिएल एक्स एकाउन्टआव हाबाफारिनि गेजेरजों मोनसे भिडिअ शेरार खालामनानै गावनि खुसिखौ फोरमायदों। बिथांआ लिरोदि, गोबांरे आखाय खबनाय नुनाया मोनसे सिमां बायदि। पायर्नि देरसिन प्रिमियार आरो आमा-बुबुनि थाखाय अननाय नुनायखौ सोदोबजों फोरमायनो हायो। 'पायर' खौ बे तेलिन ब्लेक नाइट्स फिल्म फेस्टिभेलनि 28 थि भाजनि अफिसियेल बादायलायनाय थाखोयाव देरसिन प्रिमियारनि थाखाय सायख' जादों। उत्तरगान्धनि समायना हाजोआव थानाय 'पायर'आव 80 बोसोर बैसोनि नन प्रफिसनेल फावगिरिफोरखौ पद्म सिंह आरो हिरा देभिनि गाहाइ फावआव नुजाथिगोन। □

रासिया-इउक्रेन दावहानि 1000 सानआव हादरगिरि पुतिनआ निउक्विलयार दावहानि गोदान खांन्थि फोसावदों

गोदान दिल्ली, 20 नभेम्बर: रासियानि हादरगिरि ब्लादिमीर पुतिनआ मंगलबारखालि सोनाबयारि हादरफोर आरो इउक्रेननो रोखा खौरां होनानै मोनसे डिक्रीआव मुंसाइ होयो, जेराव मस्क'आ माब्ला गुन्द्रासा हाथियारफोरखौ बाहायनो हागौ बेखौ लानानै मोनसे बॅखन थि खालामनाय जादों। रासियाआ बे

थांखिखौ इउक्रेनआव गाग्लोबनाया 1000 सान जानाय आरो इउएएनिफ्राय इउक्रेननो रासिया सिंथारआव गाग्लोबनो हानायबादि गोजान जान्तायनि मिसाइलफोरखौ बाहायनो गनायथि होनायनि उनाव आजावो। बे गोदान प्रिन्सिपालआव फोरमायनाय जादोंदि, रासियाआ बबेबा



निउक्विलयार गोहो गैये राइज्योनि हेथायै गुन्द्रासा हाथियार

बाहायनायनि सायावबो थांखि लानो हागौ। इउक्रेन आरो बेनि

सोनाबयारि हेफाजाबगिरिफोरनो रोखा खौरां होनानै बुंदोंदि, निउक्विलयार गोहो गोनां हादरनि बाहागोयारि जानायजों दरसे आबुं गुन्द्रासा गोहो गैये हादरनि गाग्लोबनायखौ मोनसे जुथायै गाग्लोबनाय होनानै गनायनाय जागोन। गावसिनि प्रिन्सिपालफोरखौ आथिखालि थासांरि बादिदै लाबोनाया

गोनां थारमोन होन्नांनैबो पेसकभआ बुडो। बिथाडा बे आपडेटखौ जोबोद मख'जाथाव लेखा बिलाइ होन्नांनै बुडो, जायखौ गुबुन हादरफोरव सार्भे खालामनांनै। अदेबानि रासियाआ निउक्विलयार हाथियारखौ बे समाव थिसनगोन जेब्ला बियो फिन्नाय होथासंगौ मोन्दोंथिगोन होन्नांनैबो क्रेमलिननि बुंथिगिरिआ बुडो।

पुतिनआ इउक्रेननि हेंथायै 3 बोसोरनि अभियाननि समाव निउक्विलयार थ्रेटनि मोनसे सिरिजि फोसावदों, जेराव सोनाबयारि हादरफोराव जिंगा सोमजिखंदों। बे गोदान प्रिन्सिपालआ मस्क'नो गोबां अन्जिमायाव अखांजों गाग्लोबनायाव निउक्विलयार गाग्लोबनायनिबो गनायथिहोदों। □

